

Universitätsbibliothek Wuppertal

Titi Livii Patavini Historiarvm Libri Qvi Svpersvnt Omnes

Livius, Titus

Mannhemii, 1779

Liber II

Nutzungsrichtlinien Das dem PDF-Dokument zugrunde liegende Digitalisat kann unter Beachtung des Lizenz-/Rechtehinweises genutzt werden. Informationen zum Lizenz-/Rechtehinweis finden Sie in der Titelaufnahme unter dem untenstehenden URN.

Bei Nutzung des Digitalisats bitten wir um eine vollständige Quellenangabe, inklusive Nennung der Universitätsbibliothek Wuppertal als Quelle sowie einer Angabe des URN.

[urn:nbn:de:hbz:468-1-1233](#)

LIBER II

L

U. c. 245.

a. C. 507.

L. Junio

Bruto, L.

Tarquinio

Collatino

Coff.

*Libertas
populi Ro-
mani tem-
pestive
constituta.*

LIBERI jam hinc populi Romani res, pace belloque gestas, annuos magistratus, imperiaque legum, potentiora quam hominum, peragam. Quæ libertas ut læterior esset, proximi regis superbia fecerat. Nam priores ita regnarunt, ut haud inmerito omnes deinceps conditores partium certe urbis, quas novas ipsi sedes ab se auctæ multitudini addiderunt, numerentur. Neque ambigitur, quin Brutus idem, qui tantum gloriae, Superbo exacto rege, meruit, pessimo publico id facturus fuerit, si libertatis inmatuæ cupidine priorum regum alicui regnum extorsisset. Quid enim futurum fuit, si illa pastorum convenarumque plebs, transfuga ex suis populis, sub tutela inviolati templi, aut libertatem, aut certe inpunitatem adepta, soluta regio metu, agitari cœpta esset tribuniciis procellis; & in aliena urbe cum Patribus ferere certamina, priusquam pignora conjugum ac liberorum caritasque ipsius soli, cui longo tempore adsuescit, animos eorum consociasset? Dissipatae res nondum adulteræ discor-

discordia forent : quas fovit tranquilla mode- *U. c. 245.*
ratio imperii , eoque nutriendo perduxit , ut *a. C. 507.*
bonam frugem libertatis maturis jam viribus
ferre possent. Libertatis autem originem inde
magis , quia annum imperium consulare fac-
tum est , quam quod deminutum quidquam
sit ex regia potestate , numeres. Omnia jura ,
omnia insignia primi consules tenuere. Id
modo cautum est , ne , si ambo fasces habe-
rent , duplicatus terror videretur. Brutus
prior , concedente collega , fasces habuit :
qui non acrior vindex libertatis fuerat , quam
deinde custos fuit. Omnium primum avidum *P. R. jurat*
novæ libertatis populum , ne postmodum *se regnari*
Romæ non fleti precibus aut donis regiis posset , jure- *passurum.*
jurando adegit , neminem Romæ passuros reg-
nare. Deinde , quo plus virium in senatu
frequentia etiam ordinis faceret , cædibus re-
gis deminutum Patrum numerum , primoribus
equestris gradus lectis , ad trecentorum sum-
mam explevit : traditumque inde fertur , ut *Suppletur*
in senatum vocarentur , qui Patres , quique *senatus.*
conscripti essent. Conscriptos , videlicet , in
novum senatum adpellabant lectos. Id mirum
quantum profuit ad concordiam civitatis ,
jungendosque Patribus plebis animos.

*U. c. 245.**a. C. 507.**Rex sacrificulus.**Collatinus ob Tarquinii nomen invisus.*

II. RERUM deinde divinarum habita cura & quia quædam publica sacra per ipsos reges factitata erant, ne ubi regum desiderium esset, regem sacrificulum creant. Id sacerdotium pontifici subjecere, ne additus nomini honos aliquid libertati, cuius tunc prima erat cura, obficeret. Ac nescio, an, nimis undique eam minimis quoque rebus muniendo, modum excesserint. Consulis enim alterius, quum nihil aliud obfenderit, nomen invisum civitati fuit. « Nimium Tarquinios regno adsuesse: initium a Prisco factum: regnasse deinde Ser. Tullium: ne intervallo quidem facto oblitum tamquam alieni regni Superbum Tarquinium, velut hæreditatem gentis scelere ac vi repetisse. Pulso Superbo, penes Collatinum imperium esse. Nescire Tarquinios privatos vivere: non placere nomen: periculosem libertati esse.» Hic primo sensim tentantium animos sermo per totam civitatem est datus; sollicitamque suspicione plebem Brutus ad concionem vocat. Ibi omnium primum jusjurandum populi recitat: « Neminem regnare passuros, nec esse Romæ, unde periculum libertati foret.» Id summa ope tuendum esse: neque ullam

» rem , quæ eo pertineat , contemnendam. *U. c. 245.*
» Invitum se dicere hominis caussa : nec dic- *a. C. 507.*
» turum fuisse , ni caritas reipublicæ vince-
» ret. Non credere populum Romanum , soli-
» dam libertatem recuperatam esse. Regium
» genus , regium nomen , non solum in civi-
» tate , sed etiam in imperio esse. Id obficere,
» id obstat libertati. Hunc tu , [inquit] tua
» voluntate , L. Tarquini , remove metum.
» Meminimus , fatemur , ejecisti reges. Ab-
» solve beneficium tuum. Aufer hinc regium
» nomen. Res tuas tibi non solum reddent
» cives tui , auctore me ; sed , si quid deest ,
» munifice augebunt. Amicus abi. Exonera
» civitatem vano forsitan metu. Ita persua-
» sum est animis , cum gente Tarquinia reg-
» num hinc abiturum. » Consuli primo tam
novæ rei ac subitæ admiratio incluserat vo-
cem. Dicere deinde incipientem primores ci-
vitatis circumfistunt , eadem multis precibus
orant. Et ceteri quidem movebant minus :
postquam Sp. Lucretius , major ætate ac dig-
nitate , sacer præterea ipsius , agere varie ,
rogando alternis suadendoque , cœpit , ut vin-
ci se consensu civitatis pateretur ; timens
consul , ne postmodum privato sibi eadēm

*G. e. 245.
a. C. 507.*
*Abdicat se
consulatu,
& Valerius
sufficitur.*

illa cum bonorum amissione , additaque alia
insuper ignominia , acciderent , abdicavit se
consulatu : rebusque suis omnibus Lavinium
translati , civitate cessit . Brutus ex senatus-
consulto ad populum tulit , ut omnes Tar-
quiniæ gentis exsules essent : collegam sibi
comitiis centuriatis creavit P. Valerium , quo
adjutore reges ejecerat .

*Conjuratio
de
revocandis
regibus.*

III. QUUM haud cuiquam in dubio esset ,
bellum ab Tarquiniiis inminere , id quidem
spe omnium serius fuit . Ceterum , id quod
non timebant , per dolum ac proditionem
prope libertas amissa est . Erant in Romana
juventute adolescentes aliquot , nec ii tenui
loco orti , quorum in regno libido solutior
fuerat , æquales sodalesque adolescentium
Tarquiniorum , adsueti more regio vivere .
Eam tum , æquato jure omnium , licentiam
quærentes , libertatem aliorum in suam ver-
tisse servitutem inter se conquerebantur .
» Regem hominem esse , a quo inpetres , ubi
» jus , ubi injuria opus sit : esse gratiæ locum ,
» esse beneficio ; & irasci & ignoscere posse :
» inter amicum atque inimicum discriminem
» nosse . Leges rem surdam , inexorabilem
» esse , salubriorem melioremque inopi , quam

» potenti : nihil laxamenti nec veniae habere,
 » si modum excesseris : periculosem esse , in
 » tot humanis erroribus sola innocentia vi-
 » vere. » Ita , jam sua sponte ægris animis ,
 legati ab regibus superveniunt , sine mentio-
 ne reditus bona tantum repetentes . Eorum
 verba postquam in senatu audita sunt , per
 aliquot dies ea consultatio tenuit : ne non
 redditum , belli caussa ; redditum , belli materia &
 adjumentum essent . Interim legati alii alia
 moliri : aperte bona repetentes , clam recu-
 perandi regni consilia struere : & , tamquam
 ad id , quod agi videbatur , ambientes nobi-
 lium adolescentium animos pertentant . A
 quibus placide oratio accepta est , his literas
 ab Tarquinii reddunt ; & de accipiendo
 clam nocte in urbem regibus conloquuntur .

*U. c. 245.
a. C. 507.*

IV. VITELLIIS Aquiliisque fratribus primo
 commissa res est . Vitelliorum foror consuli
 nupta Bruto erat ; jamque ex eo matrimonio
 adolescentes erant liberi , Titus Tiberiusque ;
 eos quoque in societatem consilii avunculi
 adsumunt . Præterea & nobiles aliquot ado-
 lesscentes consciæ adsumti , quorum vetustate
 memoria abiit . Interim quum in senatu vi-
 cisset sententia , quæ consebat reddenda bona ;

U. c. 245. eamque ipsam caussam moræ in urbe haberent
a. C. 507. legati , quod spatium ad vehicula comparanda
a consulibus sumfissent , quibus regum aspor-
tarent res ; omne id tempus cum conjuratis
consultando absunt , evincuntque instando ,
ut literæ sibi ad Tarquinios darentur : nam ali-
ter quî credituros eos , non vana ab legatis su-
per rebus tantis adferri ? Datae literæ , ut pignus
fidei essent , manifestum facinus fecerunt . Nam
quum , pridie quam legati ad Tarquinios profi-
ciscerentur , & cœnatum forte apud Vitellios
esset , conjuratique ibi , remotis arbitris , multa
inter se de novo , ut sit , consilio egissent ; ser-
monem eorum ex servis unus exceptit , qui jam
antea id senserat agi : sed eam occasionem ,
ut literæ legatis darentur , quæ deprehensæ
rem coarguere possent , exspectabat . Post-
quam datas sensit , rem ad consules detulit .
Consules , ad deprehendendos legatos con-
juratosque profecti domo , sine tumultu rem
omnem obpressere : literarum in primis ha-
bita cura , ne interciderent . Proditoribus ex-
templo in vincula conjectis , de legatis paul-
lulum addubitatum est : & quamquam visi
sunt commississe , ut hostium loco essent , jus
tamen gentium valuit .

*Obprimi-
tur.*

V. DE bonis regiis , quæ reddi ante cen-
suerant , res integra refertur ad Patres . Illi
vieti ira vetuere reddi , vetuere in publicum
redigi . Diripienda plebi sunt data ; ut , con-
tacta regia præda , spem in perpetuum cum
his pacis amitteret . Ager Tarquiniorum , qui
inter urbem ac Tiberim fuit , consecratus
Marti , Martius deinde campus fuit . Forte
ibi tum seges farris dicitur fuisse matura
messi : quem campi fructum quia religiosum
erat consumere , defecitam cum stramento se-
getem magna vis hominum simul inmissa cor-
bibus fudere in Tiberim , tenui fluentem
aqua , ut mediis caloribus solet ; ita in vadis
hæsitantis frumenti acervos sedisse inlitos
limo . Insulam inde paullatim , & aliis , quæ
fert temere flumen , eodem invectis , factam .
Postea credo additas moles , manuque adju-
tum , ut tam eminens area , firmaque (a)
templis quoque ac porticibus sustinendis esset .
Direptis bonis regum , damnati proditores , Proditores
sumptumque supplicium , conspectius eo quod
poenæ capienda ministerium patri de liberis
consulatus inposuit : & , qui spectator erat
amovendus , eum ipsum fortuna exactorem

*U. c. 245.**a. C. 507.*

*Bona Tar-
quiniorum
diripiun-
tur , aut
consecran-
tur.*

(a) *firma* Gron. Crev.

U. c. 245. rem supplicii dedit. Stabant deligati ad palum.
a. C. 507. nobilissimi juvenes ; sed a ceteris, velut ab
ignotis capitibus, consulis liberi omnium in
se averterant oculos : miserebatque non pœnæ
magis homines, quam sceleris, quo pœnam
meriti essent : illos, eo potissimum an-
no patriam liberatam, patrem liberatorem,
consulatum ortum ex domo Junia, Patres,
plebem, quidquid Deorum hominumque Ro-
manorum esset, induxisse in animum, ut
superbo quondam regi, tum infesto exsuli,
proderent. Consules in sedem processere
suam, missique lictores ad sumendum suppli-
cium, nudatos virgis cœdunt, securique fe-
riunt : quum inter omne tempus pater, vul-
tusque & os ejus spectaculo esset, eminente
animo patrio inter publicæ pœnæ ministe-
rium. Secundum pœnam nocentium, ut in
utramque partem arcendis sceleribus exem-
plum nobile esset, præmium indici pecunia
ex ærario, libertas & civitas, data. Ille pri-
mum dicitur vindicta liberatus. Quidam vin-
dictæ quoque nomen tractum ab illo putant ;
Vindicio ipsi nomen fuisse. Post illum obser-
vatum, ut, qui ita liberati essent, in civi-
tatem accepti viderentur.

VI. His, sicut acta erant, nunciatis, in-
 census Tarquinius non dolore solum tantæ
 ad inritum cadentis spei, sed etiam odio ira-
 que, postquam dolo viam obseptam vidi,
 bellum aperte moliendum ratus, circumire
 supplex Etruriae urbes; orare maxime Veien-
 tes Tarquinientesque, « Ne se ortum, ejus-
 » dem sanguinis, extorrem, egentem, ex
 » tanto modo regno, cum liberis adolescen-
 » tibus ante oculos suos perire finerent. Alios
 » peregre in regnum Romanum aditos: se
 » regem, augentem bello Romanum imperium,
 » a proximis scelerata conjuratione pulsum.
 » Eos inter se, quia nemo unus satis dignus
 » regno visus sit, partes regni rapuisse: bona
 » sua diripienda populo dedisse, ne quis ex-
 » pers sceleris esset. Patriam se regnum-
 » que suum repetere, & persequi ingratos
 » cives velle. Ferrent opem, adjuvarent:
 » suas quoque veteres injurias ultum irent,
 » toties cæsas legiones, agrum ademtum.
 Hæc moverunt Veientes: ac pro se quisque,
 Romano saltem duce, ignominias demendas,
 belloque amissa repetenda, minaciter fremunt.
 Tarquinientes nomen ac cognatio movet:
 pulchrum videbatur, suos Romæ regnare.

*U. c. 245.**a. C. 507.**Tarquinii**bellum**moliuntur.*

U. c. 245. Ita duo duarum civitatum exercitus, ad re-
a. C. 507. petendum regnum belloque persequendos
Romanos, secuti Tarquinium. Postquam in
agrum Romanum ventum est, obviam hosti
consules eunt. Valerius quadrato agmine pe-
ditem dicit: Brutus ad explorandum cum
equitatu antecessit. Eodem modo primus eques
hostium agminis fuit. Praerat Aruns Tarqui-
nius, filius regis: rex ipse cum legionibus
sequebatur. Aruns, ubi ex lictoribus procul
consulem esse, deinde jam proprius ac certius
facie quoque Brutum cognovit, inflammatus
ira, « Ille est vir, [inquit] qui nos extor-
» res expulit patria. Ipse, en, ille, nostris
» decoratus insignibus, magnifice incedit. Diū
» regum ultores adeste. » Concitat calcaribus
equum, atque in ipsum infestus consulem
dirigit. Sensit in se iri Brutus. Decorum erat
tum ipsis capeſſere pugnam ducibus. Avide
itaque se certamini obfert: adeoque infestis
animis concurrerunt, neuter dum hostem
Brutimors vulneraret, sui protegendi corporis memor,
ut, contrario iētu per parvam uterque trans-
fixus, duabus hærentes hastis moribundi ex
equis lapsi sint. Simul & cetera equestris pugna
cœpit; neque ita multo post & pedites super-

veniunt. Ibi varia victoria, & velut æquo
 Marte pugnatum est. Dextra utrimque cor-
 nua vicere, laeva superata. Veientes, vinci
 ab Romano milite adfueti, fusi fugatique (b).
 Tarquinensis, novus hostis, non stetit solum,
 sed etiam ab sua parte Romanum pepulit.

U. c. 245.

a. C. 507.

Pugna du-
bia.

VII. ITA quum pugnatum effet, tantus terror
 Tarquinium atque Etruscos incessit, ut,
 omissa inrita re, nocte ambo exercitus, Ve-
 iens Tarquinensisque, suas quisque abirent
 domos. Adjiciunt miracula huic pugnæ : si-
 lentio proximæ noctis ex silva Arfia ingen-
 tem editam vocem, Silvani vocem eam cre-
 ditam ; hæc dicta, " Uno plus Etruscorum
 cecidisse in acie : vincere bello Romanum. "
 Ita certe inde abidere Romani, ut viatores;
 Etrusci pro viatis. Nam, postquam inluxit,
 nec quisquam hostium in conspectu erat, P.
 Valerius consul spolia legit, triumphansque
 inde Romam rediit. Collegæ funus, quanto
 tum potuit adparatu, fecit. Sed multo majus
 morti decus publica fuit moestitia, eo ante
 omnia insignis, quia matronæ annum, ut
 parentem, eum luxerunt : quod tam acer ul-
 tor violatæ pudicitiae fuisset. Consuli deinde,

(b) add. *sunt Gron. Crev.*

U. c. 245. qui superfuerat, ut sunt mutabiles vulgi animi, ex favore non invidia modo, sed suspicio etiam cum atroci crimine, orta. Regnum

Valerius adfectati regni insimulatus. eum adflectare, fama ferebat: quia nec collegam subrogaverat in locum Bruti, & aedificabat in summa Velia: ibi alto atque munito loco arcem inexpugnabilem fore. Hæc dicta vulgo creditaque quum indignitate angerent consulis animum; vocato ad concilium populo, submissis fascibus in concionem escendit (*c*). Gratum id multitudini spectaculum fuit; submissa sibi esse imperii insignia: confessionemque factam, populi, quam consulis, majestatem vimque majorem

Submittit fasces populo. Se purgat. esse. Ubi audire jussi, consul laudare fortunam collegæ, « Quod, liberata patria, in » summo honore, pro republica dimicans, » matura gloria, nec dum se vertente in in- » vidiam, mortem occubuisse: se supersti- » tem gloriæ suæ ad crimen atque invidiam » superesse: ex liberatore patriæ ad Aquil- » lios se (*d*) Vitelliosque recidisse. Num- » quamne ergo [inquit] ulla adeo a vobis » spectata virtus erit, ut suspicione violari » nequeat? Ego me, illum acerrimum re-

(*c*) ascendi Gron. Crev.

(*d*) se del. Gron. Crev.

» gum hostem , ipsum cupiditatis regni cri- *U. c. 245.*
 » men subiturum timerem ? Ego , si in ipsa *a. C. 507.*
 » arce Capitolioque habitare , metui me
 » crederem posse a civibus meis ? Tam levi
 » momento mea apud vos fama pendet ? Adeo-
 » ne est fundata leviter fides , ut , ubi sim , quam
 » qui sim , magis referat ? Non obstabunt P.
 » Valerii ædes libertati vestræ ; Quirites :
 » tuta erit vobis Velia. Deferam non in pla-
 » num modo ædes , sed colli etiam subjiciam :
 » ut vos supra suspectum me civem habitetis.
 » In Velia ædificant , quibus melius , quam
 » P. Valerio , creditur libertas. » Delata con-
 festim materia omnis infra Veliam ; & , ubi
 nunc Vicæpotæ est , domus in infimo clivo
 ædificata.

VIII. Latæ deinde leges , non solum quæ *Leges ab eo latæ.*
 regni suspicione consulem absolverent , sed
 quæ adeo in contrarium verterent , ut popu-
 larem etiam facerent : inde cognomen factum
 Publicolæ est. Ante omnes de provocatione
 adversus magistratus ad populum , sacrando-
 que cum bonis capite ejus , qui regni occu-
 pandi consilia inisset , gratæ in vulgus leges
 fuere. Quas quum solus pertulisset , ut sua
 unius in his gratia esset , tum deinde comit.

*U. c. 245.
a. C. 507.*

*Subfœtus
Bruto Lu-
cretius;
huic Hora-
tius.*

collegæ subrogando habuit. Creatus Sp. Lu-
cretius consul, qui magno natu, non subfi-
cientibus jam viribus ad consularia munera
obeunda, intra paucos dies moritur. Subfec-
tus in Lucretii locum M. Horatius Pulvillus.
Apud quosdam veteres auctores non invenio
Lucretium consulem. Bruto statim Horatium
subgerunt: credo, quia nulla gesta res in-
signem fecerit consulatum, memoria inter-
cidisse. Nondum dedicata erat in Capitolio
Jovis ædes. Valerius Horatiusque consules
sortiti, uter dedicaret. Horatio forte evenit.
Publicola ad Veientium bellum profectus.
Ægrius, quam dignum erat, tulere Valerii
necessarii, dedicationem tam incliti templi
Horatio dari. Id omnibus modis impeditre
conati, postquam alia frustra tentata erant,
postem jam tenenti consuli foedum inter-
precationem Deum nuncium inquitunt: « Mor-
» tuum ejus filium esse, funestaque familia
» dedicare eum templum non posse. » Non
crediderit factum, an tantum animo roboris
fuerit, nec traditur certum, nec interpre-
tatio est facilis. Nihil aliud ad eum nuncium
a proposito aversus, quam ut cadaver efferri
juberet, tenens postem, precationem peragit,

*Dedicatur
templum
capitoli-
num.*

& dedicat templum. Hæc post exactos reges *U. c. 246.*
domi militiaeque gesta primo anno. Inde P. *a. C. 506.*
Valerius iterum, T. Lucretius consules facti.

IX. JAM Tarquinii ad Lartem Porsenam, *P. Valerio
II. T. Lu-
cretio Coss.*
Clusinum regem, perfugerant. Ibi, miscendo
consilium precesque, nunc orabant, « Ne se,
» oriundos ex Etruscis, ejusdem sangu-
» nis nominisque, egentes exsulare pate-
» tur : » nunc monebant etiam, « ne orien-
» tem morem pellendi reges inultum fine-
» ret. Satis libertatem ipsam habere dulcedi-
» nis. Nisi, quanta vi civitates eam expetant;
» tanta regna reges defendant, æquari sum-
» ma infimis. Nihil excelsum, nihil, quod
» supra cetera emineat, in civitatibus fore.
» Adesse finem regnis, rei inter Deos homi-
» nesque pulcherrimæ. » Porsena, tum regem *Porsene
esse Romæ, tum Etruscæ gentis regem, am-
plum Tuscis ratus, Romam infesto exercitu-
venit. Non umquam alias ante tantus terror
senatum invasit. Adeo valida res tum Clusi-*
na erat, magnumque Porsenæ nomen. Nec
hostes modo timebant, sed suosmet ipsi ci-
vies, ne Romana plebs, metu perculsa, re-
ceptis in urbem regibus, vel cum servitute
pacem acciperet. Multa igitur blandimenta

*bellum in-
fert P. Ro-
mans.*

*Itinelli
volumen
obligatio*

V. c. 246. plebi per id tempus ab senatu data. Annonæ
a. C. 506. in primis habita cura, & ad frumentum com-
 parandum missi, alii in Volscos, alii Cumas.
 Salis quoque vendendi arbitrium, quia in-
 penso pretio venibat, in publicum omni sum-
 tu, ad emtum privatis. Portoriisque (*e*) &
 tributo plebes (*f*) liberata, ut divites con-
 ferrent, qui oneri ferendo essent: pauperes
 fatis stipendii pendere, si liberos educarent.
 Itaque hæc indulgentia Patrum, asperis post-
 modum rebus in obsidione ac fame, adeo
 concordem civitatem tenuit, ut regium no-
 men non summi magis, quam infimi, hor-
 rerent: nec quisquam unus malis artibus
 postea tam popularis esset, quam tum bene
 imperando univerfus senatus fuit.

*Horatii
Coclitis
fortitudo.*

X. QUUM hostes adessent, pro se quisque
 in urbem ex agris demigrant: urbem ipsam
 sepiunt præsidii. Alia muris, alia Tiberi
 objecto videbantur tuta. Pons publicius iter
 pene hostibus dedit, ni unus vir fuisset,
 Horatius Cocles. Id munimentum illo die
 fortuna urbis Romanæ habuit: qui, positus
 forte in statione pontis, quum captum re-
 pentino in petu Janiculum, atque inde citatos
 decur-

(*e*) *Portoriis quoque Gron. Crev.*

(*f*) *plebe Gron. Crev.*

decurrere hostes vidisset, trepidamque tur- *U. c. 246.*
bam suorum arma ordinesque relinquere, *a. C. 506.*
reprehensans singulos, obsistens, obtestans-
que Deum & hominum fidem, testabatur:
» Nequidquam deserto præsidio eos fugere.
» Si transitum pontem a tergo reliquistissent,
» jam plus hostium in Palatio Capitolioque,
» quam in Janiculo, fore. Itaque monere,
» prædicere, ut pontem ferro, igni, quacum-
» que vi possent, interrumpant. Se inpetum
» hostium, quantum corpore uno posset ob-
» sisti, excepturum. » Vadit inde in primum
aditum pontis: insignisque inter conspecta
cedentium pugnæ terga, obversis cominus
ad ineundum proelium armis, ipso miraculo
audaciæ obstupefecit hostes. Duos tamen cum
eo pudor tenuit, Sp. Lartium ac T. Hermi-
nium, ambos claros genere factisque. Cum his
primam periculi procellam, & quod tu-
multuosissimum pugnæ erat, parumper susti-
nuit. Deinde eos quoque ipsos, exigua parte
pontis relicta, revocantibus, qui rescinde-
bant, cedere in tutum coëgit. Circumferens
inde truces minaciter oculos ad proceres
Etruscorum, nunc singulos provocare, nunc
increpare omnes, « Servitia regum superbo-

U. c. 246. « rum , suæ libertatis inmemores , alienam
a. C. 506. » obpugnatum venire. » Cunctati aliquamdiu
funt , dum alius alium , ut prœlium incipient ,
circumspectant : pudor deinde commovit aciem ,
& , clamore sublato , undique in unum hos-
tem tela conjiciunt . Quæ quum in objecto
cuncta scuto hæsiscent , neque ille minus obsti-
natus ingenti pontem obtineret gradu ; jam
in petu conabantur detrudere virum : quum
simul fragor rupti pontis , simul clamor Ro-
manorum , alacritate perfecti operis sublatus ,
pavore subito in petu sustinuit . Tum Co-
cles , « Tiberine pater , [inquit] te sancte
» precor , hæc arma & hunc militem propi-
» tio flumine accipias. » Ita , sic armatus in
Tiberim desiluit : multisque superincidentibus
telis incolmis ad suos tranavit , rem ausus
plus famæ habituram ad posteros , quam fidei .
Grata erga tantam virtutem civitas fuit :
statua in comitio posita ; agri quantum uno
die circumaravit , datum . Privata quoque in-
ter publicos honores studia eminebant : nam
in magna inopia pro domesticis copiis unus-
quisque ei aliquid , fraudans se ipse vietu
suo , contulit .

XI. PORSENA, primo conatu repulsus, consiliis ab obpugnanda urbe ad obsidendum versis, præsidio in Janiculo locato, ipse in piano ripisque Tiberis castra posuit: navibus undique adgitis, & ad custodiam, ne quid Romam frumenti subvehi fineret; & ut præ datum milites trans flumen per occasiones aliis atque aliis locis trajiceret: brevique adeo infestum omnem Romanum agrum red didit, ut non cetera solum ex agris, sed pecus quoque omne in urbem compelleretur, neque quisquam extra portas propellere auderet. Hoc tantum licentiæ Etruscis, non metu magis, quam consilio, concessum. Näm que Valerius consul, intentus in occasionem multos simul & effusos improviso adoriundi, in parvis rebus neglegens ultor, gravem se ad majora vindicem servabat. Itaque, ut eliceret prædatores, edicit suis, postero die frequentes porta Esquilina, quæ aversissima ab hoste erat, expellerent pecus: scituros id hostes ratus, quod in obſidione & fame ser vitia infida transfugerent. Et sciere perfugæ īdicio; multoque plures, ut in spem universæ prædæ, flumen trajiciunt. P. Valerius inde T. Herminium cum modicis copiis, ad

*U. c. 246.
a. C. 506.*

*Porsena
urbem obſi-
det.*

U. c. 246. secundum lapidem, Gabina via occultum con-
a. C. 506. fidere jubet : Sp. Lartium cum expedita ju-
 ventute ad portam Collinam stare, donec
 hostis prætereat ; deinde se objicere, ne fit
 ad flumen redditus. Consulum alter T. Lucre-
 tius porta Nævia cum aliquot manipulis mi-
 litum egressus : ipse Valerius Cœlio monte
 cohortes delectas educit : hique primi adpa-
 ruere hosti. Herminius, ubi tumultum sen-
 sit, concurrit ex insidiis ; verisque in Va-
 lerium Etruscis terga cœdit. Dextra lævaque,
 hinc a porta Collina, illinc ab Nævia, red-
 ditus clamor. Ita cœsi in medio prædatores,
 neque ad pugnam viribus pares, & ad fugam
 septis omnibus viis : finisque ille tam effuse
 evagandi (g) Etruscis fuit.

XII. OBSIDIO erat nihilominus & frumenti
 cum summa caritate inopia ; sedendoque ex-
 pugnaturum se urbem spem Porsena habebat :

C. Mucii facinus. quum C. Mucius, adolescens nobilis, cui
 indignum videbatur, populum Romanum ser-
 vientem, quum sub regibus esset, nullo bello
 nec ab hostibus ullis obsecsum esse ; liberum
 eumdem populum ab iisdem Etruscis obsideri,
 quorum saepe exercitus fuderit ; itaque ,

(g) *vagandi* Gron. Crev.

magno audacique aliquo facinore eam indig- *U. c. 246.*
 nitatem vindicandam ratus, primo sua sponte *a. C. 506.*
 penetrare in hostium castra constituit : dein
 metuens, ne , si consulum injussu & ignaris
 omnibus iret, forte comprehensus a custodibus
 Romanis retraheretur ut transfuga , fortuna
 tum urbis crimen adfirmante , senatum adiit :
 » Transire Tiberim [inquit] Patres, & in-
 » trare , si possim , castra hostium volo ; non
 » praedo , nec populationum in vicem ultor.
 » Majus , si Dii juvant , in animo est facinus »
 Adprobant Patres : abdito intra vestem fer-
 ro, proficiscitur. Ubi eo venit, in conser-
 tissima turba prope regium tribunal constituit;
 Ibi quum stipendium forte militibus daretur,
 & scriba , cum rege sedens pari fere ornatus,
 multa ageret , eum milites vulgo adirent;
 timens sciscitari , uter Porsena esset , ne igno-
 rando regem semet ipse aperiret , quis esset ,
 quo temere traxit fortuna facinus , scribam
 pro rege obtruncat. Vadentem inde , qua per
 trepidam turbam cruento mucrone sibi ipse
 fecerat viam , quum , concursu ad clamorem
 facto , comprehensum regii satellites retrah-
 xissent; ante tribunal regis destitutus , tum
 quoque , inter tantas fortunæ minas , metuen-

U. c. 246. dus magis, quam metuens, « Romanus sum,
a. C. 506. [inquit] « civis. C. Mucium vocant. Hostis
» hostem occidere volui : nec ad mortem
» minus animi est, quam fuit ad cædem. Et
» facere & pati fortia, Romanum est. Nec
» unus in te ego hos animos gessi : longus
» post me ordo est idem potentium decus.
» Proinde in hoc discrimen, si juvat, ad cin-
» gere, ut in singulas horas capite dimices
» tuo: ferrum hostemque in vestibulo habeas
» regiae. Hoc tibi juventus Romana indici-
» mus bellum. Nullam aciem, nullum præ-
» lium timueris. Uni tibi, & cum singulis
» res erit, » Quum rex, simul ira infensus,
periculoque conterritus, circumdari ignes
minitabundus juberet, nisi expromeret pro-
pere, quas insidiarum sibi minas per ambages
jaceret : « En tibi, [inquit] ut sentias, quam
» vile corpus sit iis, qui magnam gloriam
» vident: » dextramque accenso ad sacrificium
foculo injicit. Quam quum velut alienato
ab sensu torreret animo ; prope adtonitus
miraculo rex, quum ab sede sua profiliuisset,
amoverique ab altaribus juvenem jussisset,
» Tu vero abi, [inquit] in te magis, quam
» in me, hostilia ausus. Juberem macte vir-

LIBER II CAP. XIII 151

» tute esse , si pro mea patria ista virtus sta- *U. c. 246.*
 » ret. Nunc jure belli liberum te , intactum *a. C. 506.*
 » inviolatumque hinc dimitto. » Tum Mu-
 cius , quasi remunerans meritum . « Quando-
 » quidem [inquit] est apud te virtuti honos ;
 » ut beneficio tuleris a me , quod minis ne-
 » quisti ; trecenti conjuravimus principes ju-
 » ventutis Romanæ , ut in te hac via graffa-
 » remur. Mea prima sors fuit : ceteri , ut
 » cuique ceciderit primo , quoad te opportu-
 » num fortuna dederit , suo quisque tempore ,
 » aderunt. »

XIII. MUCIUM dimissum , cui postea Scæ^s Porsena de-
 volæ a clade dextræ manus cognomen indi- *pace agit.*
 tum , legati a Porsena Romam secuti sunt.
 Adeo moverat eum & primi periculi casus ,
 quo nihil se præter errorem insidiatoris te-
 xisset , & subeunda dimicatio toties , quot con-
 jurati superessent ; ut pacis conditiones ultro
 ferret Romanis. Ja^ctatum in conditionibus
 nequidquam de Tarquiniiis in regnum resti-
 tuendis , magis quia id negare ipse nequiv-
 erat Tarquiniiis , quam quod negatum iri sibi
 ab Romanis ignoraret. De agro Veientibus
 restituendo inpetratum : expressaque necessi-
 tas obsides dandi Romanis , si Janiculo præ-

U. c. 246. fidium deduci vellent. His conditionibus
a. C. 506.

composita pace, exercitum ab Janiculo dedu-
 xit Porsena, & agro Romano excessit. Patres
 C. Mucio virtutis caussa trans Tiberim agrum
 dono dedere, quæ postea sunt Mucia prata
 adpellata. Ergo, ita honorata virtute, semi-
 næ quoque ad publica decora excitatæ. Et
*Cloelie
virtus.* (h) Cloelia virgo, una ex obsidibus, quum
 castra Etruscorum forte haud procul ripa Ti-
 beris locata essent, frustrata custodes, dux
 agminis virginum inter tela hostium Tiberim
 tranavit: sospitesque omnes Romanam ad pro-
 pinquos restituit. Quod ubi regi nunciatum
 est, primo incensus ira, oratores Romanam
 misit ad Cloeliam obsidem descendam; alias
 haud magni facere: deinde in admirationem
 versus, «Supra Coelites Muciosque [dicere]
 » id facinus esse, [& præ se ferre] quemad-
 » modum, si non dedatur obses, pro rupto
 » se foedus habiturum; sic deditam, inviola-
 » tam ad suos remissurum. » Utrumque con-
 » stitit fides: & Romani pignus pacis ex fe-
 » derare restituerunt: & apud regem Etruscum
 non tuta solum, sed honorata etiam, virtus
 fuit: laudatamque virginem parte obsidum

(h) *Et del, Gron. Crez.*

fe donare dixit : ipsa , quos vellet , legeret . *U. c. 246.*
a. C. 506.
 Productis omnibus , elegisse impubes (i) di-
 citur : quod & virginitati decorum , & con-
 sensu obsidum iporum probabile erat , eam
 ætatem potissimum liberari ab hoste , quæ
 maxime opportuna injuriæ esset . Pace redin-
 trata , Romani novam in femina virtutem
 novo genere honoris , statua equestri , dona-
 vere . In summa Sacra via fuit posita virgo
 insidens equo .

XIV. HUIC tam pacatæ profectio ab urbe
 regis Etrusci abhorrens mos , traditus ab an-
 tiquis , usque ad nostram ætatem inter cetera
 sollemnia manet bonis vendendis , bona Por-
 senæ regis vendendi . Cujus originem moris ,
 necesse est , aut inter bellum natam esse ,
 neque omission in pace ; aut a (k) mitiore
 crevisse principio , quam hic præ se ferat
 titulus bona hostiliter vendendi . Proximum
 vero est ex iis , quæ traduntur , Porsenam ,
 discedentem (l) ab Janiculo , castra opulenta ,
 consepto ex propinquis ac fertilibus Etruriæ
 arvis commeatu , Romanis dono dedisse ; inopi

(i) impuberis Gron. Crev.

(k) a del. Gron. Crev.

(l) descendantem Gron. Crev.

V. e. 246. tum urbe ab longinqua obsidione. Ea deinde,
a. C. 506. ne populo inmissio diriperentur hostiliter,
venisse, bonaque Porsenæ adpellata; gratiam
muneris magis significantem titulo, quam auc-
tionem fortunæ regiæ, quæ ne in potestatem
quidem populi Romani esset. Omissis Roma-
no bello, Porsena, ne frustra in ea loca
exercitus adductus videretur, cum parte co-
piarum filium Aruntem Ariciam obpugnatum
mittit. Primo Aricinos res necopinata percu-
lerat: arcessita deinde auxilia, & a Latinis
populis, & a Cumis, tantum spei fecere;
ut acie decernere auderent. Prælio inito,
adeo concitato impetu se intulerant Etrusci,
ut funderent ipso incursu Aricinos. Cumane
cohortes, arte adversus vim usæ, declinavere
paullulum; effuseque prælatos hostes con-
versis signis ab tergo adortæ sunt. Ita in
medio prope jam viatores cæsi Etrusci: pars
per exigua, duce amissio, quia nullum proprius
perfugium erat, Romam inermes & fortuna
& specie supplicum delati sunt. Ibi benigne
excepti divisique in hospitia. Curatis vulne-
ribus, alii profecti domos, nuncii hospita-
lium beneficiorum: multos Romæ hospitum
urbisque caritas tenuit. His locus ad habi-

tandum datus, quem deinde Tuscum vicum
adpellarunt.

*U. c. 245.
a. C. 505.*

XV. P. LUCRETIUS inde & P. Valerius Publicola (*m*) consules facti. Eo anno postremum legati a Porsena de reducendo in regnum Tarquinio venerunt. Quibus quum responsum esset, missurum ad regem senatum legatos; missi confessim honoratissimus quisque ex Patribus, « Non, quin breviter reddi responsum potuerit, non recipi reges, ideo potius delectos Patrum ad eum missos, quam legatis ejus Romæ daretur responsum; sed ut in perpetuum mentio ejus rei finiretur, neu in tantis mutuis beneficiis in vicem animi sollicitarentur: quum ille peteret, quod contra libertatem populi Romani esset; Romani, nisi in perniciem suam faciles esse vellent, negarent, cui nihil negatum vellet. Non in regno populum Romanum, sed in libertate esse. Ita induxisse in animum, hostibus potius, quam regibus, portas patescere. Eam esse voluntatem omnium, ut, qui libertati erit in illa urbe finis, idem ubi sit. Proinde, si salvam esse vellet Romam, ut patiatur liberam esse, orare. »

*P. Lucre-
tio, P.
Valerio
Coff.*

*Legati a
Porsena de
reducendo
Tarquinio.*

(m) add. tertium Gron, Crev.

U. c. 247. Rex, verecundia vixus, « Quando id certum
a. C. 505. » atque obstinatum est, [inquit] neque ego
 » obtundam saepius eadem nequidquam agen-
 » do : nec Tarquinios spe auxili, quod nul-
 » lum in me est, frustrabor. Alium hinc, seu
 » bello opus est, seu quiete, exsilio querant
 » locum , ne quid meam vobiscum pacem
 » distineat. » Dictis facta amiciora adjecti :
 obsidum quod reliquum erat, reddidit : agrum
 Veientem, foedere ad Janiculum iecto ademtum,
 restituit. Tarquinius, spe omni redditus incisa,
 exsulatum ad generum Mamilium Octavium
 Tusculum abiit. Romanis pax fida ita cum
 Porsena fuit.

Tarquin.
Tusculum
in exilium
abit.

U. c. 249. XVI. CONSULES (n) M. Valerius, P. Postu-
a. C. 503. mius. Eo anno bene pugnatum cum Sabinis:
M. Vale-
rrio, P. Pos-
tumio Coss. consules triumpharunt. Majore inde mole Sa-
 bini bellum parabant. Adversus eos, & ne quid
 simul ab Tusculo (unde, et si non apertum,
 suspectum tamen bellum erat) repentina peri-
U. c. 250. culi oriretur , P. Valerius quartum T.
a. C. 502. Lucretius iterum consules facti. Seditio , in-
P. Valerio
IV, T. Lu-
cretio II.
Coss. ter bellum pacisque autores orta in Sabinis ,
 aliquantum inde virium transtulit ad Roma-
 nos. Namque Attus (o) Clausus , cui postea

(n) add. deinde Gron. Crev.

(o) Atta Gron. Crev.

Ap. Claudio fuit Romæ nomen, cum pacis *U. c. 250^a*
 ipse auctor a turbatoribus belli premieretur, *a. C. 502^a*
 nec par factioni esset, ab Regillo, magna
 clientium comitatus manu, Romam transfu-
 git. His civitas data agerque trans Anienem.
 Vetus Claudia tribus, additis postea novis
 tribulibus, qui ex eo venirent (*p*) agro,
 adpellata. Appius, inter Patres lectus, haud
 ita multo post in principum dignationem per-
 venit. Consules, infesto exercitu in agrum
Attus
Clausus
inter Pa-
tres Lectus.
 Sabinum profecti, quum ita vastatione, dein
 (*q*) proelio, adflixisserent opes hostium, ut
 diu nihil inde rebellionis timere possent,
 triumphantes Romam redierunt. P. Valerius,
Valerii^b
mors.
U. c. 250.
a. C. 501.
 omnium consensu princeps belli pacisque ar-
 tibus, anno post, Agrippa Menenio, P. Pos-
 tumio consulibus, moritur, gloria ingenti,
Agr. Menenio & P.
Postumio
II. Coss.
 copiis familiaribus adeo exiguis, ut funeri-
 sumtus decesset; de publico est elatus. Luxere
 matronæ, ut Brutum. Eodem anno duæ co-
 loniæ Latinæ, Pomœtia & Cora, ad Aurun-
 cos deficiunt. Cum Auruncis bellum initum:
Bellum
cum
Aurungis.
 fusoque ingenti exercitu, qui se ingredien-
 tibus fines consulibus ferociter obtulerat,

(*p*) venerant Gron. Crev.

(*q*) deinde Gron. Crev.

U. c. 251. omne Auruncum bellum Pometiam compulsum est. Nec magis post prælium, quam in prælio, cædibus temperatum est : & cæsi aliquanto plures erant, quam capti ; & captos passim trucidaverunt. Ne ab obsidibus quidem, qui trecenti accepti numero erant, iram belli hostis abstinuit. Et hoc anno Romæ triumphatum.

U. c. 252. XVII. SECUTI consules, Opiter Virginius & Sp. Cassius, Pometiam primo vi, deinde vineis aliisque operibus, obpugnaverunt. In Op. Virgi- nio, Sp. Cassio Coss. quos Aurunci, magis jam inexpibili odio, quam spe aliqua aut occasione, coorti, quum plures igni, quam ferro, armati excucurris-
sent (r), cæde incendioque cuncta complent: vineis incensis, multis hostium vulneratis & occisis, consulum quoque alterum, (sed utrum, nomen auctores non adjiciunt) gra-
vi vulnere ex equo dejectum, prope inter-
fecerunt. Romam inde, male gesta re, redi-
tum : inter multos faucios consul spe incerta
vitæ relictus. Interjecto deinde haud magno
spatio, quod vulneribus curandis supplendo-
que exercitui satis esset, tum ira majore
belli, tum viribus etiam auctis, Pometia

(r) excurrissent Gron. Crev.

arma inflata. Et quum , vineis refectis alia- U. c. 252.
a. C. 500.
que mole belli , jam in eo esset , ut in mu-
ros evaderet miles , deditio est facta . Cete-
rum nihilo minus fœde , dedita urbe , quam
si capta foret , Aurunci passim principes se-
curi percussi , sub corona venierunt coloni
alii , oppidum dirutum , ager veniit. Consu-
les , magis ob iras graviter ultas , quam ob
magnitudinem perfecti belli , triumpharunt.

XVIII. INSEQUENS annus Postumum Co- U. c. 253.
a. C. 499.
minium & T. Lartium consules habuit. Eo P. Comi-
nio, T.
Lartio
Coff.
anno Romæ , quum per ludos ab Sabinorum
juventute per lasciviam scorta raperentur ,
concursu hominum rixa ac prope prælium
fuit ; parvaque ex re ad rebellionem spectare
res videbatur. Supra belli Latini metum id
quoque acceperat , quod triginta jam conju-
rasse populos , concitante Octavio Mamilio ,
satis constabat. In hac tantarum exspectatione
rerum sollicita civitate , dictatoris primum Primus
dictator.
creandi mentio orta ; sed nec quo anno , nec
quibus consulibus , quia ex factione Tarqui-
nia essent , (id quoque enim traditur) pa-
rum creditum sit , nec quis primum dictator
creatus sit , satis constat. Apud veterimos
tamen auctores T. Lartium dictatorem pri-

U. c. 253. *a. C. 499.* mum, Sp. Cassium magistrum equitum, crea-
tos, invenio. Consulares legere: ita lex ju-
bebat, de dictatore creando lata. Eo magis
adducor, ut credam, Lartium, qui consula-
ris erat, potius, quam Manium Valerium,
M. filium, Volefi nepotem, qui nondum
consul fuerat, moderatorem & magistrum
consulibus adpositum. Qui, si maxime ex
ea familia legi dictatorem vellent, patrem
multo potius M. Valerium, spectatae virtu-
tis & consulairem virum, legissent. Creato
dictatore primum Romæ, postquam præferri
secures viderunt, magnus plebem metus in-
cessit, ut int̄ntiores essent ad dicto paren-
dum; neque enim, ut in consulibus, qui
pari potestate essent, alterius auxilium, ne-
que provocatio erat, neque ullum usquam,
nisi in cura parendi, auxilium. Sabinis etiam
creatus Romæ dictator (eo magis quod
propter se creatum crediderant) metum in-
cussit. Itaque legatos de pace mittunt: qui-
bus, orantibus dictatorem senatumque, ut
veniam erroris hominibus adolescentibus da-
rent, responsum; «ignosci adolescentibus
» posse, senibus non posse, qui bella ex bellis
» fererent.» Actum tamen est de pace: impe-
trata.

trataque foret, si, quod impensæ factum in bellum erat, praestare Sabini (id enim postulatum erat) in animum induxissent. Bellum indicium : tacitæ induciæ quietum annum tenuere.

XIX. CONSULES Ser. Sulpicius, Manius <sup>U. c. 254.
a. C. 498.</sup>
Tullius. Nihil dignum memoria actum. T. <sup>Sulpicio &
M. Tullio
Coff.</sup>
Æbutius deinde & C. Vetusius. His consu-
libus Fidenæ obseßæ, Crustumeria capta, <sup>U. c. 255.
a. C. 497.</sup>
Prænestæ ab Latinis ad Romanos descivit; <sup>T. Æbut.,
C. Vetusio
Coff.</sup>
nec ultra bellum Latinum, gliscens jam per aliquot annos, dilatum. A Postumius dicta-
tor, T. Æbutius magister equitum, magnis copiis peditum equitumque profecti, ad lacum Regillum in agro Tusculano agmini hostium obcurrerunt. Et, quia Tarquinios esse in exercitu Latinorum auditum est, sustineri ira non potuit, quin extemplo confligerent. Ergo etiam prælium aliquanto, quam cetera, gravius atque atrocius fuit; non enim duces ad regendam modo consilio rem adfuere, sed, suis metiis corporibus dimicantes, miscuere certamina : nec quisquam procerum ferme hac aut illa (s) ex acie sine vulnere, præter dictatorem Romanum, exceſſit. In Postumium,

(s) illac Gron. Crev.

Tom. I.

L

U. c. 255. a. C. 497. prima in acie suos adhortantem instruentemque, Tarquinius Superbus, quamquam jam ætate & viribus erat gravior, equum infestus admisit: ictusque ab latere, concursu suorum receptus in tutum est. Et ad alterum cornu Æbutius magister equitum in Octavianum Mamilium inpetum dederat; nec fefellerit veniens Tusculanum ducem: contra quem & ille concitat equum: tantaque vis infestis venientium hastis fuit, ut brachium Æbutio trajectum sit, Mamilio pectus percussum. Hunc quidem in secundam aciem Latini recepere: Æbutius, quum saucio brachio tenere telum non posset, pugna excessit. Latinus dux, nihil deterritus vulnere, prælium ciet; &, quia suos perculsus videbat, arcessit cohortem exsulum Romanorum, cui L. Tarquinii filius præerat. Ea, quod (*t*) maiore pugnabat ira ob erupta bona patriamque ademtam, pugnam parumper restituit.

XX. REFERENTIBUS jam pedem ab ea parte Romanis, M. Valerius, Publicolæ frater, conspicatus ferocem juvenem Tarquinium, ostentantem se in prima exsulum acie, domestica etiam gloria accensus, ut cuius fami-

(*t*) quo Gron. Crev.

liæ decus ejecsti reges erant, ejusdem inter- *U. c. 255.*
fecisti forent, subdit calcaria equo, & Tar- *a. C. 477.*
quinium infesto spiculo petit. Tarquinius
retro in agmen suorum infenso cessit hosti.
Valerium, temere invectum in exsulum aciem,
ex transverso quidam abortus transfigit: nec
quidquam equitis vulnere equo retardato,
moribundus Romanus, labentibus super cor-
pus armis, ad terram defluxit. Dictator Postu-
mius, postquam cecidisse talem virum, ex-
sules ferociter citato agmine invehi, suos
perculosos cedere animadvertisit; cohorti suæ,
quam delectam manum præsidii caussa circa
se habebat, dat signum, ut, quem suorum
fugientem viderint, pro hoste habeant. Ita
metu ancipiti versi a fuga Romani in hostem,
& restituta acies. Cohors dictatoris tum pri-
mum prælium init: integris corporibus ani-
misque fessos aborti exsules cœdunt. Ibi alia
inter proceres coorta pugna. Imperator La-
tinus, ubi cohortem exsulum a dictatore
Romano prope circumventam vidit, ex sub-
sidiariis manipulos aliquot in primam aciem
secum rapit. Hos agmine venientes T. Her-
minius legatus conspicatus, interque eos in-
signem veste armisque Mamilium noscitans,

V. c. 255. tanto vi majore, quam paullo ante magister
a. C. 497. equitum, cum hostium duce praelium iniit; ut & uno iectu transfixum per latus occiderit Mamilius, & ipse inter spoliandum corpus hostis veruto percussus, quum victor in castra esset relatus, inter primam curationem exspiraverit. Tum ad equites dictator advo lat, obtestans, ut, fesso jam pedite, descendant ex equis, & pugnam capeant. Dicto paruere: desiliunt ex equis, provolant in primum, & pro antesignanis parmas objiciunt. Recipit extemplo animum pedestris acies, postquam juventutis proceres aequato genere pugnæ secum partem periculi sustinentes vident. Tum demum impulsi Latini, percultaque inclinavit acies. Equiti (*u*) admoti equi, ut persequi hostem posset (*x*): secuta & pedestris acies. Ibi, nihil nec divinae nec humanæ opis Dictator præterminens, ædem Castori vovisse fertur: ac pronunciasse militi præmia, qui primus, qui secundus, castra hostium intrasset. Tantusque ardor fuit, ut eodem impetu, quo fuderant hostem, Romani castra caperent. Hoc modo

(*u*) *Equitibus* Gron. Crev.

(*x*) *possent* Gron. Crev.

LIBER II CAP. XXI 165

ad lacum Regillum pugnatum est. Dictator
& magister equitum triumphantes in urbem
rediere.

XXI. TRIENNIO deinde nec certa pax, nec
bellum fuit. Consules Q. Clœlius & T.
Lartius. Inde A. Sempronius & M. Minu-
cius. His consulibus ædes Saturno dedicata:
Saturnalia institutus festus dies. A. deinde
Postumius & T. Virginius consules facti. Hoc
demum anno ad Regillum lacum pugnatum,
apud quosdam invenio : A. Postumium, quia
collega dubiæ fidei fuerit, se consulatu ab-
dicasse : dictatorem inde factum. Tanti erro-
res implicant temporum, aliter apud alias
ordinatis magistratibus, ut, nec qui consu-
les secundum quosdam, nec quid quoque
anno actum sit, in tanta vetustate, non re-
rum modo, sed etiam auctorum, digerere
possis. Ap. Claudius deinde & P. Servilius
consules facti. Insignis hic annus est nuncio
Tarquinii mortis. Mortuus est Cumis, quo
se post fractas opes Latinorum ad Aristode-
num tyrannum contulerat. Eo nuncio erexit
Patres, erecta plebes ; sed Patribus nimis
luxuriosa ea fuit lætitia : plebi, cui ad eam
diem summa ope inservitum erat, iniuriæ a

*U. c. 256.
257 - 258.
a. C. 496-
495 - 494.*

*U. c. 259.
a. C. 493.*

*Ap. Clau-
dio, P.
Servilio
Coff.*

*Mors
Tarquinii.*

*U. c. 259.
a. C. 493.* primoribus fieri cœperc. Eodem anno Signia colonia , quam rex Tarquinius deduxerat , suppleto numero colonorum , iterum deducta est. Romæ tribus una & viginti factæ. Aedes Mercurii dedicata est idibus Maiis.

*Bellum
cum
Volscis.*

XII. CUM Volscorum gente Latino bello neque pax , neque bellum fuerat ; nam & Volsci comparaverant auxilia , quæ mitterent Latinis , ni maturatum ab dictatore Romano esset : & maturavit Romanus , ne prælio uno cum Latino Volscoque contenderet. Hac ira consules in Volscum agrum legiones duxere. Volscos , consilii poenam non metuentes , necopinata res perculit. Armorum in memorēs , obsides dant trecentos principum a Cora atque Pometia liberos. Ita sine certamine inde abductæ legiones. Nec ita multo post Volscis levatis metu suum rediit ingeñium : rursus occultum parant bellum , Hernicis in societatem armorum adsuntis. Legatos quoque ad sollicitandum Latium passim dimittunt. Sed recens ad Regillum lacum accepta clades Latinos ira odioque ejus , quicumque arma suaderet , ne ab legatis quidem violandis abstinuit. Comprehensos Volscos Romam duxere. Ibi traditi consulibus ;

indicatumque est, Volscos Hernicosque parare bellum Romanis. Relata re ad senatum, adeo fuit gratum Patribus, ut & captivorum sex millia Latinis remitterent; & de foedere, quod prope in perpetuum negatum fuerat, rem ad novos magistratus rejicerent. Enimvero tum Latini gaudere facto, pacis autores in ingenti gloria esse. Coronam auream Jovi donum in Capitolium mittunt. Cum legatis donoque, qui captivorum remissi ad suos fuerant, magna circumfusa multitudo venit. Pergunt domos eorum, apud quem quisque servierant: gratias agunt, liberaliter habiti cultique in calamitate sua: inde hospititia jungunt. Numquam alias ante publice privatumque Latinum nomen Romano imperio conjunctius fuit.

*U. c. 259.
a. C. 493.*

XXIII. SED & bellum Volscum inminebat, *Turbæ ob
æs alienum.*
& civitas, secum ipsa discors, intestino inter Patres plebemque flagrabat odio, maxime propter nexos ob æs alienum. Fremebant, » se, foris pro libertate & imperio dimicantes, domi a civibus captos & obpressos » esse; tutioremque in bello, quam in pace, » inter hostes, quam inter cives, libertatem plebis esse: » invidiamque eam, sua sponte

*V. c. 259.
a. C. 493.* gliscentem, insignis unius calamitas aëcendit.
Magno natu quidam cum omnium malorum
fuorum insignibus se in forum projectit: ob-
sita erat squalore vestis, fœdior corporis
habitum pallore ac macie peremti. Ad hoc,
promissa barba & capilli efferaverant speciem
oris. Noscitabatur tamen in tanta deformi-
tate, & ordines duxisse ajebant, aliaque mi-
litiæ decora vulgo, miserantes eum, jaclâ-
bant. Ipse, testes honestarum aliquot locis
pugnarum cicatrices adverso pectore osten-
tabat. Sciscitantibus « unde ille habitus? unde
» deformitas? » quum circumfusa turba esset
prope in concionis modum, « Sabino bello,
[ait] « se militantem, quia propter popu-
» lationes agri non fructu modo caruerit,
» sed villa incensa fuerit, direpta omnia,
» pecora abacta, tributum iniquo suo tem-
» pore imperatum, æs alienum fecisse: id
» cumulatum uuris: primo se agro paterno
» avitoque exuisse, deinde fortunis aliis:
» postremo, velut tabem, pervenisse ad cor-
» pus. Ductum se ab creditore, non in ser-
» vitium sed in ergastulum & carnificinam
» esse. » Inde ostentare tergum, fœdum recen-
tibus vestigiis verberum. Ad hæc visa audi-

taque clamor ingens oritur. Non jam foro
se tumultus continet, sed paſſim totam ur- *U. c. 252.*
a. C. 493.
bem pervadit. Nexus vincit solutique se undi-
que in publicum proripiunt; implorant Qui-
ritium fidem. Nullo loco deest feditonis vo-
luntarius comes. Multis paſſim agminibus
per omnes vias cum clamore in forum curri-
tur. Magno cum periculo suo, qui forte Pa-
trum in foro erant, in eam turbam incide-
runt: nec temperatum manibus foret, ni
propere consules, P. Servilius & Ap. Clau-
dius, ad comprimentam feditonem interve-
nissent. In eos multitudo versa, ostentare
vincula sua deformitatemque aliam. Haec se
meritos dicere, exprobrantes suam quisque
alius alibi militiam. Postulare multo minaci-
ter magis, quam suppliciter, ut senatum
vocarent: curiamque ipsi, futuri arbitri mo-
deratoresque publici consilii, circumfistunt.
Pauci admodum Patrum, quos casus obtu-
lerat, contracti ad consules: ceteros metus
non curia modo, sed etiam foro arcebat:
nec agi quidquam per infrequentiam poterat
senatus. Tum vero eludi atque extrahi se
multitudo putare; &, Patrum qui abeſſent,
non casu, non metu, sed impediendæ rei

U. c. 259. caussa abesse, & consules ipsos tergiversari;
a. C. 493. nec dubie ludibrio esse miserias suas. Jam prope erat, ut ne consulum quidem majestas coēceret iras hominum : quum , incerti, morando, an veniendo, plus periculi contraherent, tandem in senatum veniunt, frequentique tandem curia, non modo inter Patres, sed ne inter consules quidem ipsos, satis conveniebat. Appius, vehementis ingenii vir, imperio consulari rem agendam censebat: uno aut altero adrepto, quieturos alios. Servilius, lenibus remediis aptior, concitatos animos fleſti, quam frangi, putabat quum tutius, tum facilius esse.

XXIV. INTER hæc major aliis terror. Latini equites cum tumultuoso advolant nuncio : « Volcos infesto exercitu ad urbem obpugnandam venire. » Quæ audita (adeo duas ex una civitate discordia fecerat) longe aliter Patres ac plebem adfecere. Exsultare gaudio plebes ; ultores superbiæ Patrum adesse dicere Deos. Alius alium confirmare, « ne nomina darent : cum omnibus potius, » quam solos perituros. Patres militarent, » Patres arma caperent, ut penes eosdem » pericula belli, penes quos præmia, essent. »

At vero curia, mœsta ac trepida ancipiit *U. c. 259.*
metu & ab cive & ab hoste, Servilium con- *a. C. 493.*
sulem, cui ingenium magis populare erat,
orare, ut tantis circumventam terroribus
expediret rempublicam. Tum consul, missus
senatu, in concionem prodit. Ibi curæ esse
Patribus ostendit, ut consulatur plebi. « Ce-
» terum deliberationi de maxima quidem illa,
» sed tamen parte civitatis, metum pro uni-
» versa republica intervenisse : nec posse,
» quum hostes prope ad portas essent, bello
» prævertisse quidquam : nec, si sit laxamenti
» aliquid, aut plebi honestum esse, nisi mer-
» cede prius accepta, arma pro patria non
» cepisse; neque Patribus satis decorum, per
» metum potius, quam postmodo voluntate,
» adflictis civium suorum fortunis consuluisse.»
Concioni deinde edicto addidit fidem, quo
edixit, « Ne quis civem Romanum virum
» aut clausum teneret, quo minus ei nominis
» edendi apud consules potestas fieret. Ne
» quis militis, donec in castris esset, bona
» possideret, aut venderet : liberos nepotesve
» ejus moraretur. » Hoc proposito edicto,
&, qui aderant nexi, profiteri exemplo no-
mina; & undique ex tota urbe proripien-

*Metu hos-
tis compo-
site.*

U. c. 259. tium se ex privato , quum retinendi jus cre-
a. C. 493. ditori non esset , concursus in forum , ut
 sacramento dicerent , fieri . Magna ea manus
 fuit ; neque aliorum magis in Volsco bello
 virtus atque opera enituit . Consul copias
 contra hostem educit : parvo dirimente ; in-
 tervalle castra ponit .

XXV. PROXIMA inde nocte Volsci , dis-
 cordia Romana freti , si qua nocturna transi-
 tio proditiove fieri possit , tentant castra .
 Sensere vigiles : excitatus exercitus : signo
 dato , concursum est ad arma . Ita frustra id
 incepsum Volscis fuit . Reliquum noctis utri-
 que quieti datum . Postero die prima luce
 Volsci , fossis repletis , vallum invadunt . Jam-
 que ab omni parte munimenta vellebantur ;
 quum consul , quamquam cuncti undique , &
 nesi ante omnes , ut signum daret , clamabant ,
 experiendi animos militum caussa parumper
 moratus , postquam satis adparebat ingens
 ardor , dato tandem ad erumpendum signo ;
 militem avidum certaminis emitit . Primo
 statim incursu pulsi hostes : fugientibus ,
 quoad insequi pedes potuit , terga cæsa :
 eques usque ad castra pavidos egit . Mox ipsa
 castra , legionibus circumdati , quum Wolf-

*Victi
Volsci.*

eos inde etiam pavor expulisset, capta direpta- *U. c. 259.*
 que. Postero die ad Suebam Pometiam, quo *a. C. 493.*
 configuerant hostes, legionibus ductis, intra
 paucos dies oppidum capit: captum prædæ
 datum: inde paullum recreatus egens miles.
 Consul cum maxima gloria sua victorem exer-
 citum Romam reducit: decedentem Romam
 Ecetranorum Volscorum legati, rebus suis
 timentes post Pometiam captam, adeunt. His
 ex senatusconsulto data pax, ager ademtus.

XXVI. CONFESTIM & Sabini Romanos
 territavere: tumultus enim fuit verius, quam
 bellum. Nocte in urbe nunciatum est, exer-
 citum Sabinum prædabundum ad Anienem
 amnem pervenisse: ibi paßim diripi atque
 incendi villas. Missus extemplo eo cum om-
 nibus copiis equitum A. Postumius, qui dic-
 tor bello Latino fuerat. Secutus consul
 Servilius cum delecta peditum manu. Pleros-
 que palantes eques circumvenit: nec adve-
 nienti peditum agmini restitit Sabina legio.
 Fessi, tum itinere, tum populatione noctur-
 na, magna pars in villis repleti cibo vinoque,
 vix fugae quod satis esset virium habuere.
 Nocte una auditio perfectoque bello Sabino,
 postero die, in magna jam spe undique par-

*Tumultus
 Sabinus.*

U. e. 259. tæ pacis, legati Aurunci senatum adeunt; nī
a. C. 493. decadatur Volsco agro, bellum indicentes.

Bellum
cum
Auruncis. Cum legatis simul exercitus Auruncorum domo profectus erat; cuius fama, haud procul jam ab Aricia visi, tanto tumultu concivit Romanos, ut nec consuli ordine Patres, nec pacatum responsum arma inferentibus arma ipsi cipientes dare possent. Ariciam infesto agmine itur: nec procul inde cum Auruncis signa conlata, prælioque uno debelatum est.

Turba ob
nexos re-
crudescunt XXVII. Fusis Auruncis, victor tot intra paucos dies bellis Romanus, promissa consulis fidemque senatus exspectabat: quum Appius, & insita superbia animo, & ut collegæ vanam faceret fidem, quam asperime poterat, jus de creditis pecuniis dicere. Deinceps &c, qui ante nEXI fuerant, creditoribus tradebantur, & necebantur alii. Quod ubi cui militi inciderat, collegam adpellabat: concursus ad Servilium fiebat, illius promissa jastabant, illi exprobrabant sua quisque belli merita cicatricesque acceptas. Postulabant, ut aut (*y*) referret ad senatum, aut (*z*) ut auxilio esset consul civibus suis, imperator

(*y z*) aut - aut del. Gron. Crev.

LIBER II CAP. XXVII 175

militibus. Movebant consulem hæc ; sed *U. c. 259.*
tergiversari res cogebat : adeo in alteram *a. C. 493.*
causam non collega solum præceps ierat,
sed omnis factio nobilium. Ita , medium se
gerendo , nec plebis vitavit odium , nec apud
Patres gratiam iniit. Patres mollem consu-
lem & ambitiosum rati, plebes fallacem;
brevique adparuit, æquasse eum Appii odium.
Certamen consulibus inciderat, uter dedica-
ret Mercurii ædem. Senatus a se rem ad po-
pulum rejecit : utri eorum dedicatio jussu
populi data esset , eum præesse annonæ ,
mercatorum collegium instituere , sollemnia
pro pontifice jussit fuscipere. Populus dedica-
tionem ædis dat M. Lætorio, primi pili cen-
turiioni : quod facile adpareret, non tam ad
honorem ejus, cui curatio altior fastigio suo
data esset , factum , quam ad consulum igno-
miniam. Sævire inde utique consulum alter
Patresque ; sed plebi creverant animi : & lon-
ge alia , quam primo instituerant , via gra-
fabantur. Desperato enim consulum senatus-
que auxilio , quium in jus duci debitorem
vidissent, undique convolabant : neque de-
cretum exaudiri consulis præ strepitu &
clamore poterat : neque, quum decesset ,

U. c. 259. quisquam obtemperabat. Vi agebatur, metus
 a. C. 493. que omnis & periculum libertatis, quum in
 conspectu consulis singuli a pluribus viola-
 rentur, in creditores a debitoribus verterant
 (a). Super hæc timor incessit Sabini belli;
 delectuque decreto, nemo nomen dedit, fu-
 rente Appio, & insectante ambitionem col-
 legæ, qui populari silentio rempublicam
 proderet, & ad id, quod de credita pecunia
 jus non dixisset, adjiceret, ut ne delectum
 quidem ex senatusconsulto haberet. « Non
 » esse tamen desertam omnino rempublicam,
 » neque projectum consulare imperium. Se
 » unum & suæ & Patrum majestatis vindи-
 » cem fore. » Quum circumstaret quotidiana
 multitudo licentia accensa, adripi unum in-
 signem ducem seditionum jussit. Ille, quum
 a lictoribus jam traheretur, provocavit: nec
 cessisset provocationi consul, quia non du-
 bium erat populi judicium, nisi ægre victa
 pertinacia foret, consilio magis & auctoritate
 principum, quam populi clamore: adeo su-
 pererant animi ad sustinendam invidiam. Cres-
 cere inde malum in dies, non clamoribus
 modo apertis, sed, quod multo perniciosius
 erat, secessione occultisque conloquiis. Tan-
 (a) verterat Gron. Crev. dem.

LIBER II CAP. XXVIII 177

dem invisi plebi consules magistratu abeunt,
Servilius neutris , Appius Patribus mire
gratus.

XXVIII. A. VIRGINIUS inde & T. Vetus-
fius consulatum ineunt. Tum vero plebes , U. c. 260.
a. C. 492.
A. Virgi-
nio , T.
Vetus
Coff.
incerta quales habitura consules esset , cœtus
nocturnos , pars (b) Esquiliis , pars in Aven-
tino , facere ; ne in foro subitis trepidaret
consiliis , & omnia temere ac fortuito age-
ret. Eam rem consules rati , ut erat , perni-
ciosam , ad Patres deferunt : sed delatam
consulere ordine non licuit : adeo tumultuose
excepta est clamoribus undique & indignatione
Patrum , si , quod imperio consulari
exsequendum esset , invidiam ejus consules
ad senatum rejicerent . « Profecto si essent in
» republica magistratus , nullum futurum fuisse
» Romæ , nisi publicum , concilium. Nunc in
» mille curias concionesque (quum alia in
» Esquiliis , alia in Aventino fiant concilia)
» dispersam & dissipatam esse rem publicam .
» Unum , Hercule , virum , (id enim plus
» esse , quam consulem) qualis Appius
» Claudius fuerit , momento temporis dis-
» cussurum illos cœtus fuisse . » Conrepti con-

(b) add. in Gron. Crav.

Tom. I.

M

U. c. 260. sules quum , quid ergo se facere vellent ;
a. C. 492. nihil enim segnius molliusve , quam Patri-
 bus placeat , acturos) percunctarentur ; decer-
 nunt , ut delectum quam acerrimum habeant :
 otio lascivire plebem . Dimisso senatu , con-
 fules in tribunal adscendunt : citant nomina-
 tim juniores . Quum ad nomen nemo respon-
 deret , circumfusa multitudo in concionis
 modum negare , « Ultra decipi plebem posse .
 » Numquam unum militem habituros , ni-
 » præstaretur fides publica . Libertatem uni-
 » cuique prius reddendam esse , quam arma
 » danda : ut pro patria civibusque , non pro
 » dominis , pugnent . » Consules , quid man-
 datum esset a senatu , videhant : sed eorum ,
 qui intra parietes curiæ ferociter loqueren-
 tur , neminem adesse invidiæ suæ participem :
 & adparebat atrox cum plebe certamen . Prius
 itaque , quam ultima experientur , senatum
 iterum consulere placuit . Tum vero ad sel-
 las consulum prope (c) convolavere minimus
 quisque natu Patrum , abdicare consulatum
 (d) jubentes , & deponere imperium , ad
 quod tuendum animus deefset .

(c) *propere* Gron. Crev.

(d) *consulatu* Gron. Crev.

LIBER II CAP. XXIX. 179

XXIX. UTRAQUE re satis experta , tum ^{U. c. 260.}
demum consules : « Ne prædictum negetis , ^{a. C. 492.}
» Patres conscripti , adest ingens seditio . Postu-
» lamus , ut ii , qui maxime ignaviam incre-
» pant , adsint nobis habentibus delectum .
» Acerrimi cujusque arbitrio , quando ita
» placet , rem agemus . » Redeunt in tribunal :
citari nominatim unum ex iis , qui in con-
spectu erant , dedita opera jubent . Quum
staret tacitus , & circa eum aliquot hominum ,
ne forte violaretur , constitisset globus ; lic-
torem ad eum consules mittunt . Quo repul-
so , tum vero , indignum facinus esse , clamitan-
tes , qui Patrum consulibus aderant , de-
volant de tribunali , ut lictori auxilio essent .
Sed ab lictore , nihil aliud quam prehendere
prohibito , quum conversus in Patres impe-
tus esset , consulum intercursu rixa sedata
est : in qua tamen , sine lapide , sine telo ,
plus clamoris atque irarum , quam injuriæ ,
fuerat . Senatus , tumultuose vocatus , tumul-
tuosius consulitur , quæstionem postulantibus
iis , qui pulsati fuerant , decernente ferocissi-
mo quoque , non sententiis magis , quam clau-
more & strepitu . Tandem , quum iræ refe-
dissent , exprobrantibus consulibus , nihilo

U. c. 260. plus sanitatis in curia , quam in foro , esse ;
a. C. 492. ordine consuli cœpit . Tres fuere sententiæ .

Variae sententiæ. P. Virginius rem non vulgabat : « De iis tantum , qui , fidem secuti P. Servilii consulis , » Volsco , Aurunco , Sabinoque militassent » bello , agendum » censebat . T. Lartius (e) , « Non id tempus esse , ut merita tantummodo » exsolverentur . Totam plebem ære alieno » demersam esse : nec fisti posse , ni omnibus consulatur . Quin , si alia aliorum sit » conditio , accendi magis discordiam , quam » sedari . » Ap. Claudius , & natura inmitis , & efferatus hinc plebis odio , illinc Patrum laudibus , « Non miseriis , [ait] sed licentia , » tantum concitum turbarum ; & lascivire » magis plebem , quam sœvire . Id adeo malum ex provocatione natum : quippe minas » esse consulum , non imperium : ubi ad eos , » qui una peccaverint , provocare liceat . Age- » dum , [inquit] dictatorem , a quo provo- » catio non est , creemus . Jam hic , quo nunc » omnia ardent , conticescat furor . Pulset tum » mihi licetorem , qui sciet , jus de tergo vi- » taque sua penes unum illum esse , cuius » majestatem violavit (f) .

(e) *Largius sic & in sqq. Gron. Crev.*

(f) *violarit Crev.*

LIBER II CAP. XXX 181

XXX. MULTIS, ut erat, horrida & atrox
videbatur Appii sententia : rursus Virginii
Lartiique exemplo haud salubres ; utique Lar-
tii putabant sententiam, quæ totam fidem
tolleret. Medium maxime & moderatum utro-
que consilium Virginii habebatur. Sed factione
respectuque rerum privatarum, quæ semper
obsecere obficientque publicis consiliis, Ap-
pius vicit : ac prope fuit, ut dictator ille
idem crearetur. Quæ res utique alienasset
plebem periculosissimo tempore, quum Volsci
Æquique & Sabini forte una omnes in armis
essent. Sed curæ fuit consulibus & seniori-
bus Patrum, ut imperium, suo vehemens,
mansueto permitteretur ingenio. Manium M^r. Valer.
dictator.
Valerium dictatorem Volesi filium creant.
Plebes, et si adversus se creatum dictatorem
videbat, tamen, quum provocationem fratris
lege haberet, nihil ex ea familia triste nec
superbum timebat. Edictum deinde, a dicta-
tore propositum, confirmavit animos, Ser-
villii fere consulis edicto conveniens ; sed &
homini & potestati melius rati credi, omisso
certamine nomina dedere. Quantus numquam
ante exercitus, legiones decem effectæ : ter-
næ inde datæ consulibus, quatuor dictator

*U. c. 260.
a. C. 492.* usus. Nec poterat jam bellum differri. *Æqui*
Bellum
cum
Æquis,
Latinorum
cauſſa. Latinum agrum invaserant, Oratores Latino-
rum a senatu petebant, ut aut mitterent sub-
sidium, aut se ipsos tuendorum finium cauſſa
capere arma finerent. Tutius visum est, de-
fendi inermes Latinos, quam pati retractare
arma. Vetusius consul missus est: is finis
populationibus fuit. Cessere *Æqui* campis:
Bellum
cum
Volscis. locoque magis, quam armis, freti, summis
se jugis montium tutabantur. Alter consul,
in Volscos profectus, ne & ipſe tereret tem-
pus, vastandis maxime agris hostem ad con-
ferenda propius castra, dimicandumque acie,
excivit. Medio inter castra campo, ante suum
quisque vallum, infestis signis constitere.
Multitudine aliquantum Volsci superabant.
Itaque effusi & contemtim pugnam iniere.
Consul Romanus nec promovit aciem, nec
clamorem reddi passus, defixis pilis stare
suos jussit: ubi ad manum venisset hostis,
tum coortos tota vi gladiis rem gerere.
Volsci, cursu & clamore fessi, quum se velut
stupentibus metu intulissent Romanis, post-
quam impressionem sensere ex adverso factam,
& ante oculos micare gladios, haud secus,
quam si in insidias incidissent, turbati ver-

LIBER II CAP. XXXI 183

tunt terga ; & ne ad fugam quidem fatis *U. c. 260.*
virium fuit, quia cursu in praelium ierant. *a. C. 492.*

Romani contra, quia principio pugnæ quieti
steterant, vigentes corporibus, facile adepti
fessos, & castra in petu ceperunt, &, castris
exutum hostem Velitras persecuti, uno agmi-
ne viatores cum viatis in urbem inrupere :
plusque ibi sanguinis, promiscua omnium ge-
nerum cæde, quam in ipsa dimicatione, fac-
tum. Paucis data venia, qui inermes in dedi-
tionem venerunt.

XXXI. D U M hæc in Volscis geruntur, *Bellum*
dictator Sabinos, ubi longe plurimum belli
fuerat, fundit, fugatque, exuitque castris.
Equitatu inmisso medium turbaverat hostium
aciem, qua, dum se cornua latius pandunt,
parum apte introrsum ordinibus aciem firma-
verant. Turbatos pedes invasit : eodem in-
petu castra capta, debellatumque est. Post
pugnam ad Regillum lacum non alia illis an-
nis pugna clarior fuit. Dictator triumphans
urbem invehitur. Super solitos honores, lo-
cus in circo ipsi posterisque ad spectaculum
datus : sella in eo loco curulis posita. Vol-
scis devictis Veliternus ager ademitus: Velitras
coloni ab urbe missi & colonia deducta. Cum

cum
Sabinis.

U. c. 260. *Equis post aliquanto pugnatum est, invito*
a. C. 492. *quidem consule, quia loco iniquo subeun-*
dum erat ad hostes: sed milites, extrahi rem
criminantes, ut dictator, priusquam ipsi re-
dirent in urbem, magistratu abiret, irrita-
que, sicut ante consulis, promissa ejus ca-
derent, perpulere, ut forte temere in adver-

Equi vieti *sos montes agmen erigeret. Id male commis-*
sun *ignavia hostium in bonum vertit: qui,*
priusquam ad conjectum teli veniretur, obstu-
pefacti audacia Romanorum, relictis castris,
quaे munitissimis tenuerant locis, in adver-
fas valles desiluere: ubi satis prædæ & vic-
toria incruenta fuit. Ita trifariam re bello
bene gesta, de domesticarum rerum eventu
nec Patribus nec plebi cura deceserat: tanta
quum gratia, tum arte præparaverant fœne-
ratores, quaे non modo plebem, sed ipsum

Turba
domestica. *etiam dictatorem frustrarentur. Namque Va-*
lerius, post Vetusti consulis redditum, om-
nium actionum in senatu primam habuit pro
victore populo, retulitque, quid (g) nexit
fieri placeret. Quaे quum rejecta relatio esset,
» Non placeo, [inquit] concordiae auctor:
» optabitis, me Dius Fidius, prope diem,

(g) add. *de Gron. Crev.*

LIBER II CAP. XXXII 185

» ut mei similes Romana plebes patronos *U. C. 260;*
» habeat. Quod ad me adtinet, neque frustra
» bor ultra cives meos, neque ipse frustra
» dictator ero. Discordiæ intestinæ, bellum
» externum fecere, ut hoc magistratu egeret
» respublica. Pax foris parta est, domi inpe-
» ditur. Privatus potius, quam dictator, se-
» ditioni interero.» Ita, curia egressus, dicta-
tura se abdicavit. Adparuit causa plebi,
suam vicem indignantem magistratu abisse.
Itaque, velut persoluta fide, quoniam per
eum non stetisset, quin præstaretur, dece-
denterem domum cum favore ac laudibus pro-
fecuti sunt.

XXXII. TIMOR inde Patres incessit, ne ;
fi dimissus exercitus foret, rursus cœtus oc-
culti conjurationesque fierent. Itaque, quam-
quam per dictatorem delectus habitus esset ;
tamen, quoniam in consulum verba jurassent,
sacramento teneri militem rati, per caussam
renovati ab Aequis belli, educi ex urbe legio-
nes jussere : quo facto maturata est sedatio.
Et primo agitatum dicitur de consulum cæ-
de, ut solverentur sacramento : doctos de-
inde, nullam scelere religionem exsolvi,
Sicinio quodam auctore, injussu consulum in

*Secessio
plebis in S.
montem.*

U. c. 260. sacrum montem secessisse (trans Anienem
a. C. 49². amnem est) (h) tria ab urbe millia passuum.
 Ea frequentior fama est , quam , cuius Piso
 auctor est , in Aventinum secessionem factam
 esse. Ibi sine ullo duce , vallo fossaque com-
 munitis castris , quieti , rem nullam nisi ne-
 cessariam ad vietum sumendo , per aliquot
 dies , neque lacefitti , neque laceffentes , se-
 tenuere. Favor ingens in urbe , metuque
 mutuo suspensa erant omnia. Timere relicta
 ab suis plebes violentiam Patrum ; timere
 Patres residem in urbe plebem , incerti , ma-
 nere eam , an abire mallent. « Quam diu
 » autem tranquillam , quæ secesserit , multi-
 » tudinem fore? quid futurum deinde , si quod
 » externum interim bellum existat ? nullam
 » profecto , nisi in concordia civium , spem
 » reliquam ducere. Eam per æqua , per iniqua ,
 » reconciliandam civitati esse. » Placuit igit-
 tur oratorem ad plebem mitti Menenium
 Agrippam , facundum virum & , quod inde
 oriundus erat , plebi carum. Is , intromissus
 in castra , prisco illo dicendi & horrido modo
 nihil aliud , quam hoc , narrasse fertur : « Tem-

(h) Signa parenthesis & vocem est delet Gron.
Crey.

LIBER II CAP. XXXIII 187

» pore, quo in homine non, ut nunc, omnia *U.c. 268.*
» in unum consentiebant, sed singulis mem- *a. C. 492.*
» bris suum cuique consilium, sius sermo
» fuerat, indignatas reliquas partes, sua cura,
» suo labore ac ministerio ventri omnia quæri:
» ventrem, in medio quietum, nihil aliud,
» quam datis voluptatibus frui. Conspirasse
» inde, ne manus ad os cibum ferrent, nec
» os acciperet datum, nec dentes conficerent.
» Hac ira, dum ventrem fame domare vel-
» lent, ipsa una membra totumque corpus
» ad extremam tabem venisse. Inde adparuisse,
» ventris quoque haud segne ministerium esse:
» nec magis ali, quam alere eum, reddentem
» in omnes corporis partes hunc, quo vivi-
» mus vigemusque, divisum pariter in venas
» maturum, concocto cibo, sanguinem. » Com-
parando hinc, quam intestina corporis sedi-
tio similis esset iræ plebis in Patres, flexisse
mentes hominum.

XXXIII. A G I deinde de concordia cœp-
tum, concessumque in conditiones, ut plebi
sui magistratus essent sacrosancti, quibus au-
xili iatio adversus consules esset: neve cui
Patrum capere eum magistratum liceret. Ita
tribuni plebei creati duo, C. Licinius & L.

*Plebs
reducta.*

*Tribuni
Pl. creati.*

U. c. 260. Albinus. Hi tres collegas sibi creaverunt : in
a. C. 492. his Sicinium fuisse , seditionis auctorem ; de
 duobus , qui fuerint , minus convenit. Sunt ,
 qui duos tantum in sacro monte creatos tri-
 bunos esse dicant , ibique sacratam legem la-
 tam.

U. c. 261. Per secessionem plebis Sp. Cassius &
a. C. 491. Postumus Cominius consulatum inierunt. His
Sp. Cassio
II. Post. consulibus cum Latinis populis iustum fœdus.
Cominio
II. Coss. Ad id ferendum consul alter Romæ mansit ;
 alter , ad Volscum bellum missus , Antiates

Volsci
victi. Volscos fundit fugatque : compulsos in op-
 pidum Longulam persecutus , mœnibus poti-
 tur. Inde Poluscam , item Volscorum , cepit :
 tum magna vi adortus est Coriolos. Erat
 tum in castris inter primores juvenum C.
 Marcius , adolescens & consilio & manu
 promptus , cui cognomen postea Coriolano
 fuit. Quum subito exercitum Romanum ,
 Coriolos obsidentem , atque in oppidanos ,
 quos intus clausos habebat , intentum fine
 ullo metu extrinsecus imminentis belli , Volf-
 cæ legiones profectæ ab Antio invasissent ,
 eodemque tempore ex oppido erupissent hos-

C. Marcius
opera Co-
riolicapti. tes , forte in statione Marcius fuit. Is , cum
 delecta militum manu , non modo inpetum
 erumpentium retudit , sed per patentem por-

LIBER II CAP. XXXIV 189

tam ferox intrupit : cædeque in proxima ur- *U. c. 261^a*
 bis facta , ignem temere arreptum , inmi- *a. C. 491^a*
 nentibus muro ædificiis injecit. Clamor inde
 oppidanorum , mixtus muliebri puerilique
 ploratu , ad terrorem , ut solet , primo ortu
 & Romanis auxit animum , & turbavit Vols-
 cos , utpote capta urbe , cui ad ferendam opem
 venerant. Ita fusi Volsci Antiates ; Corioli
 oppidum captum. Tantumque sua laude obsti-
 tit famæ consulis Marcius , ut , nisi foedus
 cum Latinis , columna ænea insculptum , mo-
 numento esset , ab Sp. Cassio uno , quia col-
 lega afuerat (*i*) , iustum ; Postumum Comi-
 nium bellum gessisse cum Volscis , memoria
 cessisset. Eodem anno Agrippa Menenius mo-
 ritur , vir omni vita pariter Patribus ac plebi
 carus ; post secessionem carior plebi factus.
 Huic interpreti arbitroque concordiae civium ,
 legato Patrum ad plebem , reductori plebis
 Romanæ in urbem , sumitus funeri defuit.
 Extulit eum plebs sextantibus conlatis in
 capita.

XXXIV. CONSULES deinde T. Geganius , *U. c. 262.*
 P. Minucius facti. Eo anno ; quum & foris *a. C. 490.*
 quieta omnia a bello essent , & domi sanata

*Agr. Mene-
 nii mors.*

*T. Gega-
 nio, P. Mi-
 nucio Coss.*

(i) *abfuerat* Gron. Crev.

*U. c. 262.
a. C. 490.*
*Caritas
annonæ.* discordia, aliud multo gravius malum civitatem invasit : caritas primum annonæ, ex incultis per secessionem plebis agris ; fames deinde, qualis clausis solet. Ventumque ad interitum servitorum utique & plebis esset ; ni consules providissent, dimissis paſſim ad frumentum coēmendum, non in Etruriam modo dextris ab Ostia litoribus, lævoque per Volscos mari usque ad Cumas, sed quæſitum in Siciliam (k) quoque : adeo finitimarum odia longinquis coēgerant indigere auxiliis. Frumentum Cumis quum coēmunt esset, naves pro bonis Tarquiniorum ab Aristodemo tyranno, qui hæres erat, retentæ sunt. In Volscis Pomptinoque ne emi quidem potuit : periculum quoque ab inpetu hominum ipsis frumentatoribus fuit. Ex Tuscis frumentum Tiberi venit : eo sustentata est plebs. Incommodo bello in tam artis commeatibus vexati forent, ni Volscos, jam moventes arma, pestilentia ingens invassisset. Ea clade conterratis hostium animis, ut etiam, ubi ea remisisset, terrore aliquo tenerentur ; & Velitris auxere numerum colonorum Romani, & Norbæ in montes novam coloniam,

(k) *Sicilia Gron. Crev.*

LIBER II CAP. XXXIV 191

quæ arx in Pomptino esset, miserunt. M.
Minucio deinde & A. Sempronio consulibus,
magna vis frumenti ex Sicilia advepta: agita-
tumque in senatu, quanti plebi daretur.
Multi venisse tempus premendæ plebis puta-
bant, recuperandique jura, quæ extorta se-
cessione ac vi Patribus essent: in primis
Marius Coriolanus, hostis tribuniciæ po-
testatis, « Si annonam, [inquit] veterem
» volunt, jus pristinum reddant Patribus.
» Cur ego plebeios magistratus, cur Sicinium
» potentem (1) video, sub jugum missus,
» tamquam a latronibus redemptus? Egone
» has indignitates diutius patiar, quam ne-
» cessè est? Tarquinium regem qui non tu-
» lerim, Sicinium feram? Secedat nunc, avo-
» cet plebem; patet via in sacrum montem
» aliosque colles. Rapiant frumenta ex agris
» nostris, quemadmodum tertio anno rapueret.
» Utantur (m) annona, quam furore suo fe-
» cere. Audeo dicere, hoc malo domitos ip-
» sos potius cultores agrorum fore, quam
» ut armati per secessionem colî prohibeant.
Haud tam facile dictu est, faciendumne fue-

*U. c. 263.
a. C. 489.*

*M. Minu-
cio II, A.
Sempronio
II. Coss.*

(1) add. *pollentemque* Gron. Crev.

(m) *Fruantur, utantur* Gron.

U. c. 263. rit, quam potuisse arbitror fieri, ut, conditionibus laxandi annonam, & tribuniciam potestatem, & omnia invitatis jura inposita Patres demerent sibi.
a. C. 489.

C. Marcius accusatus.

XXXV. Et senatui nimis atrox visa sententia est, & plebem ira prope armavit. „Fame se jam, sicut hostes, peti: cibo vic-“ tuque fraudari: peregrinum frumentum, „quæ sola alimenta ex insperato fortuna dederit, ab ore rapi, nisi C. Marcio vindicta dedantur tribuni, nisi de tergo plebis Romanæ satisfiat. Eum sibi carnificem novum exortum, qui aut mori, aut servire jubeat.“ In exeuntem e curia inpetus factus esset, ni peropportune tribuni diem dixissent. Ibi ira est subpressa. Se judicem quisque, se dominum vitae necisque inimici factum videbat. Contemtim primo Marcius audiebat minas tribunicias: «auxilii, non poenae jus datum illi potestati; plebisque, non Patrum, tribunos esse.» Sed adeo infensa erat coorta plebs, ut unius poena defungendum esset Patribus. Restiterunt tamen adversa invidia, usique sunt, qua suis quisque, qua totius ordinis viribus. Ac primo tentata res est, si, dispositis clientibus, absterrendo singulos a

coitio-

LIBER II CAP. XXXVI 193

coitionibus conciliisque, disjicere rem possent. *U. c. 263.*
Universi deinde processere, (quidquid erat *a. C. 489.*
Patrum, reos dices) precibus plebem ex-
poscentes: « Unum sibi civem, unum se-
» natorem, si innocentem absolvere nollent,
» pro nocente donarent. » Ipse quum die dicta
non adesset, perseveratum in ira est. Dam-
natus absens in Volscos exsulatum abiit, mi-
nitans patriæ, hostilesque jam tum spiritus
gerens. Venientem Volsci benigne excepere;
benigniusque in dies colebant, quo major
ira in suos eminebat, crebræque nunc que-
relæ, nunc minæ percipiebantur. Hospitio
utebatur Attii Tullii. Longe is tum princeps
Volsci nominis erat, Romanisque semper in-
festus. Ita quum alterum vetus odium, alte-
rum ira recens stimularet, consilia conferunt
de Romano bello. Haud facile credebant,
plebem suam impelli posse, ut toties infeli-
citer tentata arma caperent. Multis saepe bel-
lis, pestilentia postremo amissa juventute,
fractos spiritus esse: arte agendum in exo-
leto jam vetustate odio, ut recenti aliqua
ira exacerbarentur animi.

XXXVI. LUDI forte, ex instauratione;
Magni Romæ parabantur: instaurandi hæc

Tom. I.

N

U. c. 263. caussa fuerat. Ludis mane servum quidam
a. C. 489. paterfamiliae, nondum commissio spectaculo,
sub furca cæsum medio egerat circo. Cœpti
inde ludi, velut ea res nihil ad religionem
pertinuisse. Haud ita multo post T. Atinio,
de plebe homini, somnium fuit. Visus Jupi-
ter dicere, « Sibi ludis præsultatorem displi-
Ingratus
Jovi præ-
sultator.
» cuius: nisi magnifice instaurarentur hi ludi,
» periculum urbi fore. Iret, ea consulibus
» nunciaret. » Quamquam haud sane liber
erat religione animus, verecundia tamen
majestatis magistratum timorem vicit, ne
in ora hominum pro ludibrio abiret. Magno
illi ea cunctatio stetit: filium namque intra
paucos dies amisit; cuius repentinæ cladis ne
caussa dubia esset, ægro animi eadem illa in
sommis obversata species visa est rogitare,
» Satin' magnam spreti numinis haberet mer-
» cedem? majorem instare, ni eat propere,
» ac nunciet consulibus. » Jam præsentior
res erat: cunctantem tamen ac prolatantem
ingens vis morbi adorta est, debilitate subi-
ta. Tum enimvero Deorum ira admonuit.
Fessus igitur malis præteritis instantibusque,
consilio propinquorum adhibito, quum visa
atque audita, & obversatum toties somno

LIBER II CAP. XXXVII 195

Jovem , minas irasque cœlestes , repræsen- *U. c. 263.*
a. C. 489.
tatas casibus suis , exposuisset ; consensu inde
haud dubio omnium qui aderant , in forum
ad consules lecta adfertur . Inde in curiam
jus tu consulum delatus , eadem illa quum Pa-
tribus ingenti omnium admiratione enarrasset ;
ecce aliud miraculum : qui captus omnibus
membris delatus in curiam esset , eum func-
tum officio pedibus suis domum rediisse ,
traditum memoriae est .

PXXXVII. LUDI quam amplissimi ut fierent , *Attii Tulli
Volsci dom-
lus.*
senatus decrevit (n) . Ad eos ludos , auctore
Attio Tullo , vis magna Volscorum venit .
Priusquam committerentur ludi , Tullus , ut
domi compositum cum Marcio fuerat , ad
consules venit : dicit esse , quæ secreto agere
de republica velit . Arbitris remotis , « Invi-
» tus , [inquit] quod sequius sit , de meis
» civibus loquor . Non tamen admissum quid-
» quam ab iis , criminatum venio , sed cau-
» tum , ne admittant . Nimio plus , quam
» velim , nostrorum ingenia sunt mobilia . Mul-
» tis id cladibus sensimus : quippe qui non
» nostro merito , sed vestra patientia , inco-
» lumus simus . Magna hic nunc Volscorum

(n) decernit Gron. Crev.

U. c. 263. » multitudo est. Ludi sunt. Spectaculo intenta
a. C. 489. » civitas erit. Memini, quid per eamdem oc-
 » casionem ab Sabinorum juventute in hac
 » urbe commissum sit. Horret animus, ne
 » quid inconsulte ac temere fiat. Hæc, nostra
 » vestraque cauffa, prius dicenda vobis, con-
 » sules, ratus sum. Quod ad me adtinet,
 » extemplo hinc domum abire in animo est,
 » ne cuius facti dictive contagione præsens
 » violer.» Hæc locutus abiit. Consules quum
 ad Patres rem dubiam sub auctore certo de-
 tulissent, auctor magis, ut fit, quam res, ad
 præcavendum vel ex supervacuo movit. Fac-

*Volsci ur-
be exacti.* toque senatusconsulto, ut urbem excederent
 Volsci, præcones dimituntur, qui omnes
 eos proficiisci ante noctem juberent. Ingens
 pavor primo discurrentes ad suas res tollen-
 das in hospitia perculit. Proficiscentibus de-
 inde indignatio oborta : « Se, ut conscele-
 » ratos contaminatosque, ab ludis, festis die-
 » bus, cœtu quodammodo hominum Deorum-
 » que, abactos esse.»

*a Tullo
concitat.* XXXVIII. QUUM prope continuato agmi-
 ne irent; prægressus Tullus ad caput Feren-
 tinum, ut quisque veniret, primores eorum
 excipiens, querendo indignandoque, & eos

LIBER II CAP. XXXVIII 197

ipsos sedulo audientes secunda iræ verba , & *U. c. 263.*
 per eos multitudinem aliam , in subjectum *a. C. 489.*
 viæ campum deduxit . Ibi in concionis mo-
 dum orationem exorsus , « Veteres populi
 » Romani injurias , cladesque gentis Volsco-
 rum , ut omnia [inquit] obliviscamini alia ,
 » hodiernam hanc contumeliam quo tandem
 » animo fertis , qua (o) per nostram ignomi-
 » niam ludos commisere ? An non sensistis ,
 » triumphatum hodie de vobis esse ? vos
 » omnibus , civibus , peregrinis , tot finitimiis
 » populis , spectaculo abeuntes fuisse ? vestras
 » conjuges , vestros liberos traductos per ora
 » hominum ? Quid eos , qui audivere vocem
 » præconis ? quid , qui vos videre abeuntes ?
 » quid eos , qui huic ignominioso agmini
 » fuere obvii , existimasse putatis ? nisi ali-
 » quod profecto nefas esse , quo , si intersimus
 » spectaculo , violaturi simus ludos , piacu-
 » lumque merituri : ideo nos ab sede piorum ,
 » coetu , concilioque abigi . Quid , deinde ?
 » illud non succurrit , vivere nos , quod ma-
 » turarimus proficiisci ? si hoc (p) profectio ,
 » & non fuga est . Et hanc urbem vos non
 » hostium ducitis , ubi , si unum diem morati
 (o) qui Gron. Crev. (p) haec Gron. Crev.

*V. c. 263.
a. C. 489.* » effetis , moriendum omnibus fuit ? Bellum
 » vobis indictum est ; magno eorum malo ,
 » qui indixere , si viri estis. » Ita & sua sponte
 irarum pleni , & incitati , domos inde di-
 gressi sunt ; instigandoque suos quisque popu-
 los effecere , ut omne Volscum nomen desi-
 ceret.

*Volsci de-
 ficiunt, du-
 cibus Tul-
 lo & C.
 Marcio.*

*Oppida
 Romanis
 erepta.*

XXXIX. IMPERATORES ad id bellum de omnium populorum sententia lecti Attius & C. Marcius exsul Romanus , in quo aliquanto plus spei repositum . Quam spem nequaquam fefellit : ut facile adpareret , ducibus validior- rem , quam exercitu , rem Romanam esse Circeios profectus , primum colonos inde Romanos expulit ; liberamque eam urbem Volscis tradidit . Inde , in Latinam viam transversis tramitibus transgressus , Satricum , Longulam , Poluscum , Coriolos , novella hæc Romanis oppida ademit . Inde Lavinium recepit : tunc deinceps Corbionem , Vitelliam , Trebiam , Lavicos , Pedum cepit . Postremum ad urbem a Pedo dicit ; & , ad fossas Cluilias quinque ab urbe millia passuum castris positis , popu- latur inde agrum Romanum ; custodibus inter populatores missis , qui patriciorum agros intactos servarent : five infensus plebi ma-

LIBER II CAP. XXXIX 199

gis, sive ut discordia inde inter Patres plebemque oriretur. Quæ profecto orta esset: U. c. 263.
a. C. 489. adeo tribuni jam ferocem per se plebem criminando in primores civitatis instigabant. Sed externus timor, maximum concordiae vinculum, quamvis suspectos infensosque inter se jungebat animos. Id modo non conveniebat; quod senatus consulesque nusquam alibi spem, quam in armis, ponebant: plebes omnia, quam bellum, malebat. Sp. Nautius jam & Sex. Furius consules erant. Eos, recensentes legiones, præsidia per muros aliaque, in quibus stationes vigiliasque esse placuerat, loca distribuentes, multitudo ingens pacem poscentium primum seditioso clamore contruit: deinde vocare senatum, referre de legatis ad C. Marcium mittendis coëgit. Acciperunt relationem Patres, postquam adparuit, labare plebis animos; missique de pace ad Marcium oratores atrox responsum retulerunt. « Si Volscis ager redderetur, posse agi de pace: si præda belli per orium frui velint, memorem se & civium injuriæ, & hospitum beneficii, adhucrum ut adpareat, exilio sibi irritatos, non fractos animos esse. » Iterum deinde iidem missi non reci-

U. c. 266.
a. C. 486.

*Sp. Nau-
tio, Sex.
Furio Coss.*

*Romani
legatos de
pace
mittunt.*

U. c. 266. piuntur in castra. Sacerdotes quoque , suis
a. C. 486. insignibus velatos , iste supplices ad castra
hostium , traditum est ; nihilo magis quam
legatos flexisse animum.

*Coriolani
mater,
uxor & filii
castra hos-
tium pe-
tunt.*

XL. TUM matronæ ad Veturiā , matrem Coriolani , Volumniamque uxorem frequentes coēunt. Id publicum consilium , an muliebris timor fuerit , parum invenio. Pervicere certe , ut & Veturia , magno natu mulier , & Volumnia , duos parvos ex Marcio ferens filios , secum in castra hostium irent : & , quam armis viri defendere urbem non possent , mulieres precibus lacrimisque defenderent. Ubi ad castra ventum est , nunciatumque Coriolano , adeisse ingens mulierum agmen ; in primo (ut qui nec publica majestate in legatis , nec in facerdotibus tanta obfusa oculis animoque religione motus esset) multo obstinatione aduersus lacrimas muliebres erat. Dein familiarium quidam , qui insignem modestia inter ceteras cognoverat Veturiā , inter nurum nepotesque stantem , « Nisi me frustrantur [inquit] oculi , mater tibi conjuxque & liberi adsunt. » Coriolanus , prope ut amens , consternatus , ab sede sua quum ferret matri obviae complexum ; mu-

lier in iram ex precibus versa, » Sine, prius-
 » quam complexum accipio, sciam, [inquit]
 » ad hostem, an ad filium, venerim: captiva
 » mater-ne in castris tuis sim? In hoc me longa
 » vita & infelix senecta traxit, ut exsulēm
 » te, deinde hostem viderem? Potuisti popu-
 » lari hanc terram, quæ te genuit atque aluit?
 » Non tibi, quamvis infesto animo & minaci
 » perveneras, ingredienti fines ira cecidit?
 » non, quum in conspectu Roma fuit, succur-
 » rit, intra illa mœnia domus ac penates mei
 » sunt, mater, conjux, liberique? Ergo ego
 » nisi peperisse, Roma non oppugnaretur;
 » nisi filium haberem, libera in libera patria
 » mortua essem. Sed ego nihil jam pati, nec
 » tibi turpius quam mihi miserius, possum:
 » nec, ut sim miserrima, diu futura sum.
 » De his videris: quos, si pergis, aut in-
 » matura mors, aut longa servitus manet. »
 Uxor deinde ac liberi amplexi: fletusque ab
 omni turba mulierum ortus, & comploratio sui
 patriæque, fregere tandem virum. Comple-
 xus inde suos dimittit: ipse retro ab urbe
 castra movit. Abductis deinde legionibus ex
 agro Romano, invidia rei obpressum periisse
 tradunt; alii alio leto. Apud Fabium, longe

U. e. 266.

a. C. 486.

 Matris
oratio.

 Marcius
placatur.

U. c. 266. antiquissimum auctorem, usque ad senectutem vixisse eumdem invenio. Refert certe, hanc saepe eum exacta aetate usurpasse vocem, « Multo miserius seni exsiliū esse. » Non inviderunt laudes suas mulieribus viri Romani : adeo sine obtrectatione gloriæ alienæ vivebatur. Monumento quoque quod esset, templum Fortunæ Muliebri ædificatum dedicatumque est. Rediere deinde Volsci, adjunctis Æquis, in agrum Romanum ; sed Æqui Attium Tullum haud ultra tulere ducem. Hinc ex certamine, Volsci Æqui ne imperatorem conjuncto exercitui darent, sedatio ; deinde atrox proelium ortum. Ibi fortuna populi Romani duos hostium exercitus, haud minus perniciose quam pertinaci certamine, confecit. Consules T. Sicinius & C. Aquillius. Sicinio Volsci, Aquillio Hernici

T. Sicinio,
C. Aquilio Coss. (nam ii quoque in armis erant) provincia evenit. Eo anno Hernici devicti : cum Volscis aequo Marte discessum est.

U. c. 268. XLI. SP. CASSIUS deinde & Proculus Virginius consules facti. Cum Hernicis foedus istum : agri partes duæ admittæ : inde dimidium Latinis, dimidium plebi divisurus consul Cassius erat. Adjiciebat huic muneri

Sp. Cassio
III. Proc.
Virginio
Coss.

a. C. 485.

a. C. 484.

LIBER II CAP. XLI 203

agri aliquantum, quem publicum possideri a *U. c. 268.*
privatis criminabatur. Id multos quidem Pa- *a. C. 484.*
trum, ipsos possessores, periculo rerum sua-
rum terrebat. Sed & publica Patribus folli-
citudo inerat, largitione consulem periculo-
fas libertati opes struere. Tum primum lex
agraria promulgata est; numquam deinde us-
que ad hanc memoriam fine maximis motibus
rerum agitata. Consul alter largitioni resiste-
bat, auctoribus Patribus, nec omni plebe
adversante: quæ primo cooperat fastidire,
munus vulgatum a civibus iſſe in socios: ſæ-
pe deinde & Virginium consulem in con-
cionibus velut vaticinantem audiebat, «Pesti-
» lens collegæ munus esse. Agros illos servi-
» tutem iis, qui acceperint, laturos. Regno
» viam fieri. Quid ita enim adsumi socios &
» nomen Latinum? Quid adtinuisse, Herni-
» cis, paullo ante hostibus, capti agri partem
» tertiam (q) reddi, niſi ut haec gentes pro
» Coriolano duce Cassium habeant? » Po-
pularis jam esse diffusor & intercessor legis
agrariæ cooperat. Uterque deinde consul cer-
tati plebi indulgere. Virginius dicere, paſ-
furum ſe adſignari agros, dum ne cui, niſi

*Lex
agraria.*

(q) tertiam partem Gron. Crev.

U. c. 268. civi Romano, adsignentur. **Cassius**, quia in
a. c. 484. agraria largitione ambitious in socios, eo-
 que civibus vilior erat, ut alio munere sibi
 reconciliaret civium animos, jubere, pro
 Siculo frumento pecuniam acceptam retribui
 populo. Id vero haud secus, quam præsen-
 tem mercedem regni, adsperrnata plebes:
 adeo propter suspicionem insitam regni,
 velut abundarent omnia, munera ejus in ani-
 mis hominum respuebantur. Quem, ubi pri-
 mum magistratu abiit, damnatum necatumque
 constat. Sunt, qui patrem auctorem (r) ejus
 supplicii ferant: eum, cognita domi caussa,
 verberasse ac necasse, peculiumque filii Cereri
 consecravisse. Signum inde factum esse, &
 inscriptum, EX CASSIA FAMILIA DATUM.
 Invenio apud quosdam, idque proprius fidem
 est, a quæstoribus Cæfone Fabio & L.
 Valerio diem dictam perduellionis, damna-
 tumque populi judicio: dirutas publice ædes.

U. c. 269. Ea est area ante Telluris ædem. Ceterum
a. c. 483. sive illud domesticum, sive publicum fuit
*S. Corne-
 lilio, Q. Fa-
 bio Coss.* judicium, damnatur Ser. Cornelio, Q. Fabio
 consulibus.

(r) auctorem Gron.

VII
LIBER II CAP. XLII 205

XLII. HAUD diuturna ira populi in Cas-
sium fuit. Dulcedo agrariæ legis ipsa per se,
demto auctore, subibat animos : accensaque
ea cupiditas est malignitate Patrum ; qui,
devictis eo anno Volscis Æquisque, militem
præda fraudavere. Quidquid captum ex hosti-
bus est, vendidit Fabius consul, ac redigit
in publicum. Invisum erat Fabium nomen
plebi propter novissimum consulem : tenuere
tamen Patres, ut cum L. Æmilio Cæso Fa-
bius consul crearetur. Eo infestior facta ple-
bes seditione domestica bellum externum ex-
civit : bello deinde civiles discordiæ inter-
missæ. Uno animo Patres ac plebes rebellan-
tes Volscos & Æquos, duce Æmilio, prospera
pugna vicere. Plus tamen hostium fuga, quam
prælium, absumfit : adeo pertinaciter fusos
infecuti sunt equites. Castoris ædes eodem
anno Idibus Quinctilibus dedicata est. Vota
erat Latino bello, Postumio dictatore. Filius
ejus, duumvir ad id ipsum creatus, dedica-
vit. Sollicitati & eo anno sunt dulcedine
agrariæ legis animi plebis. Tribuni plebis
popularem potestatem lege populari celebra-
bant. Patres, satis superque gratuitæ furoris
in multitudine credentes esse, largitiones

U. c. 270.

a. c. 482.

*L. Æmi-
lio, K. Fa-
bio Coss.*

*Volsci &
Æqui vidi*

U. c. 271. temeritatisque invitamenta horrebant. Acer-
 a. C. 481. rimi Patribus duces ad resistendum consules
 M. Fabio,
 L. Valerio
 Coss. fuere. Ea igitur pars reipublicæ vicit, nec in
 præfens modo ; sed in venientem etiam an-
 num M. Fabium Cæsonis fratrem, & magis
 invisum alterum plebi, accusatione Sp. Cæsii,
 L. Valerium consules (s) dedit. Certatum
 eo quoque anno cum tribunis est. Vana lex,
 vanique legis auctores, jaētando inritum
 munus, facti. Fabium inde nomen ingens post
 tres continuos consulatus, unoque velut te-
 nore omnes expertos tribunicis certaminibus,
 habitum. Itaque, ut bene locatus, mansit in
 ea familia aliquamdiu honos. Bellum inde
 Veiens initum ; & Volsci rebellarunt. Sed ad
 bella externa prope supererant vires : abute-
 banturque iis inter semetipos certando. Ac-
 cessere ad ægras jam omnium mentes prodi-
 gia coelestia, prope quotidianas in urbe agris-
 que ostentantia minas : motique ira numinis
 caussam nullam aliam vates canebant, publice
 privatimque, nunc extis, nunc per aves,
 consulti, quam haud rite sacra fieri. Qui
 terrores tamen eo evasere, ut Oppia, virgo
 Vestalis, damnata incesti poenas dederit.

(s) consulem Gron. Crev.

XLIII. Q. FABIUS inde & C. Julius con- *U. c. 272.*
a. C. 480.
 sules facti. Eo anno non segnior discordia *Q. Fabio
II, C. Julio
Coff.*
 domi, & bellum foris atrocius fuit. Ab
 Æquis arma sumta. Veientes agrum quoque
 Romanorum populantes inierunt. Quorum
 bellorum crescente cura, Cæso Fabius & *U. c. 273.*
a. C. 479.
 Sp. Furius consules fiunt. Ortonam, Latinam
 urbem, Æqui obpugnabant. Veientes, pleni
 jam populationum, Romam ipsam se ob-
 pugnaturos minabantur (t). Qui terrores,
 quum compescere deberent, auxere insuper
 animos plebis: redibatque non sua sponte
 plebi mos detraçtandi militiam; sed Sp. Lici-
 nius tribunus plebis, venisse tempus ratus
 per ultimam necessitatem legis agrariæ Pa-
 tribus injungendæ, suscepérat rem militarem
 impediendam. Ceterum tota invidia tribunicæ *Seditiones*
 potestatis versa in auctorem est: nec in
 eum consules acrius, quam ipsius ejus col-
 legæ, coorti sunt: auxilioque eorum delec-
 tum consules habent. Ad duo simul bella
 exercitus scribitur. Ducendus Fabio in Æquos,
 in Veientes Furio datur. Et in Veientibus
 quidem nihil dignum memoria gestum est.
 Fabio aliquanto plus negotii cum civibus,

(t) minitabant Gron. Crev.

quam cum hostibus, fuit. Unus ille vir ipse
consul rempublicam sustinuit, quam exerci-
tus odio consulis, quantum in se fuit, pro-
debat. Nam quum consul, præter ceteras
imperatorias artes, quas parando gerendoque
bello edidit plurimas, ita instruxisset aciem,
ut, solo equitatu emisso, exercitum hostium
funderet; insequi fufos pedes noluit. Nec
illos, et si non adhortatio invisi ducis, suum
saltem flagitium, & publicum in præsentia
dedecus, postmodo periculum, si animus
hosti redisset, cogere potuit gradum adcele-
rare; aut, si aliud nihil, instare instructos.
Injussu signa referunt, mœstique, (crederes
victos) exsecrantes nunc imperatorem, nunc
navatam ab equite operam, redeunt in castra.
Nec huic tam pestilenti exemplo remedia ulla
ab imperatore quæsita sunt: adeo excellen-
tibus ingenii citius defuerit ars, qua civem
regant, quam qua hostem superent. Consul
Romam rediit, non tam belli gloria aucta,
quam irritato exacerbatoque in se militum
odio. Obtinuere tamen Patres, ut in Fabia
gente consulatus maneret, M. Fabium con-
sulem creant: Fabio collega Cn. Manlius
datur.

*U. c. 274.**a. C. 478.**M. Fabio**II. Cn.**Manlio**Coff.*

XLIV. Et hic annus tribunum auctorem *U. c. 274.
a. C. 478.*
 legis agrariæ habuit. Tib. Pontifex fuit. Is, *Intercessio
tribunitia.*
 eamdem viam, velut processisset Sp. Licinio,
 ingressus, delectum paullisper impediit. Per-
 turbatis iterum Patribus, Appius Claudius,
 « Vitam tribuniciam potestatem [dicere]
 » priore anno; in præsentia re ipsa, exemplo
 » in perpetuum: quando inventum sit, suis
 » ipsam viribus dissolvi. Neque enim um-
 » quam defuturum, qui & ex collega victo-
 » riam sibi, & gratiam melioris partis bono
 » publico velit quæsitam. Et plures, si plu-
 » ribus opus sit, tribunos ad auxilium con-
 » sulum paratos fore; & unum vel adversus
 » omnes fatis esse. Darent modo & consules
 » & primores Patrum operam, ut, si minus
 » omnes, aliquos tamen ex tribunis reipub-
 » licæ ac senatui conciliarent. » Præceptis
 Appii moniti Patres, & universi comiter ac
 benigne tribunos adpellare; & consulares,
 ut cuique privatim aliquid juris adversus sin-
 gulos erat, partim gratia, partim aucteritate,
 obtinuere, ut tribuniciæ potestatis vires fa-
 lubres vellent reipublicæ esse: quatuorque
 tribunorum adversus unum moratorem publici
 commodi auxilio delectum consules habent.

Tom. I.

Q

*U. c. 274.
a. C. 478.*
*Veiens
bellum.*

Inde ad Veiens bellum profecti ; quo undique ex Etruria auxilia convenérant , non tam Veientium gratia concitata , quam quod in spem ventum erat , discordia intestina dissolvi rem Romanam posse. Principesque in omnium Etruriæ populorum conciliis fremebant , « Æternas opes esse Romanas , nisi inter » semet ipsi seditionibus fœviant. Id unum ve- » nenum , eam labem civitatibus opulentis » repertam , ut magna imperia mortalia essent. » Diu sustentatum id malum , partim Patrum » consiliis , partim patientia plebis , jam ad » extrema venisse. Duas civitates ex una » factas : suos cuique parti magistratus , suas » leges esse. Primum in delectibus fœvire so- » litos : eosdem in bello tamen paruisse duci- » bus. Qualicumque urbis statu , manente » disciplina militari , sibi potuisse. Jam non » parendi magistratibus morem in castra quo- » que Romanum militem sequi. Proximo bello » in ipsa acie , in ipso certamine , consensu » exercitus traditam ultro victoram victis » Æquis : signa deserta , imperatorem in acie » relictum , injussu in castra redditum. Pro- » fecto , si instetur , suo milite vinci Roman » posse. Nihil aliud opus esse , quam indici

LIBER II CAP. XLV 211

» ostendique bellum : cetera sua sponte fata
 » & Deos gesturos. » Ea spes Etruscos ar- *U. c. 274.*
a. C. 478.
 maverat, (x), multis in vicem casibus vic-
 tos victoresque.

XLV. CONSULES quoque Romani nihil *Coff. caſ-
tris fe-zen-
tent.*
 præterea aliud, quam suas vires, sua arma,
 horrebant: memoria pessimi proximo bello
 exempli terrebat (y), ne rem committerent
 eo, ubi duæ simul acies timendæ essent. Ita-
 que castris se tenebant, tam ancipiti periculo
 aversi. Diem tempusque forsitan ipsum leni-
 turum iras, sanitatemque animis adlaturum.
 Veiens hostis Etruscique eo magis præpro-
 pere agere: laceſſere ad pugnam: primo
 obequitando castris provocandoque; poſtre-
 mo, ut nihil movebant, qua consules ipsos,
 qua exercitum increpando: « Simulationem
 » intestinæ discordiæ remedium timoris in-
 » ventum: & consules magis non confidere,
 » quam non credere suis militibus. Novum
 » feditionis genus, silentium otiumque inter
 » armatos. » Ad hæc in novitatem generis
 originisque, qua falsa, qua vera, jacere.
 Hæc, quum sub ipſo vallo portisque strepe-

(x) Hæ spes Etr. armaverant Gron. Crev.

(y) terrebat Gron, Crev.

U. c. 274. rent, haud ægre consules pati. At imperitæ
a. C. 478. multitudinis (^z) nunc indignatio, nunc pudor, pectora versare, & ab intestinis avertere malis: nolle inultos hostes, nolle successum, non Patribus, non consulibus: externa & domestica odia certare in animis.

Milites pugnam poscunt. Tandem superant externa: adeo superbe insolenterque hostis eludebat. Frequentes in prætorium conveniunt, poscunt pugnam, postulant, ut signum detur. Consules, velut deliberabundi, capita conferunt, diu conloquuntur. Pugnare cupiebant; sed retro revocanda & abdenda cupiditas erat, ut adversando remorandoque incitato semel militi adderent inpetum. Redditur responsum, « in-

*Cunditan-
tuz Coss.* » maturam rem agi, nondum tempus pugnæ esse: castris se tenerent. » Edicunt inde, « ut abstineant pugna. Si quis injussu pugna- » verit, ut in hostem animadversuros. » Ita dimissis, quo minus consules velle credunt, crescit ardor pugnandi. Accedunt insuper hostes ferocius multo, ut statuisse non pugnare consules cognitum est. Quippe impune se insultatueros, non credi militi arma: rem ad ultimum seditionis erupturam, finemque

(z) multitudini Gron. Crev.

LIBER II CAP. XLV 213

venisse Romano imperio. His freti obcur- U. c. 274.
a. C. 478.
fant portis, ingerunt probra, ægre abstinent,
quin castra obpugnent. Enimvero non ultra
contumeliam pati Romanus posse: totis castris
undique ad consules curritur. Non jam sen-
sim, ut ante, per centurionum principes
postulant; sed paßim omnes clamoribus agunt.
Matura res erat; tergiversantur tamen. Fa-
bius deinde, ad crescentem tumultu jam me-
tum seditionis collega concedente, quum si-
lentium classico fecisset; « Ego istos, Cn.
» Manli, posse vincere scio; velle ne scirem,
» ipsi fecerunt. Itaque certum atque decretum
» est, non dare (*a*) signum, nisi, victores
» se reddituros ex hac pugna, jurant (*b*). Con-
» sulem Romanum miles semel in acie fefel-
» lit; Deos numquam fallet. » Centurio erat
M. Flavoleius, inter primores pugnæ flagi-
tator. « Victor [inquit] M. Fabi, revertar
» ex acie. » Si fallat, Jovem patrem, Gra-
divumque Martem, aliosque iratos invocat
Deos. Idem deinceps omnis exercitus in se
quisque jurat. Juratis datur signum, arma ca-
piunt: eunt in pugnam, irarum speique ple-
ni. Nunc jubent Etruscos probra jacere, nunc

(*a*) dari Gron. (*b*). jurent. Gron. Creve.

*U. c. 274.
a. C. 478.* armatis sibi quisque lingua promptum hostem obferri. Omnia illo die, qua plebis, qua Patrum, eximia virtus fuit. Fabium nomen, Fabia gens maxime enituit. Multis civilibus certaminibus infensos plebis animos illa pugna sibi reconciliare statuunt. Instruitur acies: nec Veiens hostis Etruscæque legiones detrectant.

*Prælium
committi-
tur.*

XLVI. PROPE certa spes erat, non magis secum pugnaturos, quam pugnaverint cum Aequis: majus quoque aliquod, in tam inritatis animis & occasione ancipiti, haud desperandum esse facinus. Res aliter longe evenit. Nam non alio ante bello infestior Romanus (adeo hinc contumeliis hostes, hinc consules mora exacerbaverant) prælrium iniit. Vix explicandi ordinis spatium Etruscis fuit; quum, pilis inter primam trepidationem abjectis temere magis, quam emissis, pugna jam in manus, jam ad gladios, ubi Mars est atrocissimus, venerat. Inter primores genus Fabium insigne spectaculo exemplique civibus erat. Ex his Q. Fabium, (tertio hic anno ante consul fuerat) principem in confertos Veientes euntem, ferox viribus & armorum arte Tuscus, incautum inter multas versan-

*U. e. 274.
a. C. 478.*

tem hostium manus , gladio per pectus transfigit. Telo extracto, præceps Fabius in vulnus abiit. Sensit utraque acies unius viri casum, cedebatque inde Romanus : quum M. Fabius consul transluit jacentis corpus , objectaque parma, « Hoc jurastis [inquit] milites , fūgientes vos in castra redituros ? adeo ignavissimos hostes magis timetis , quam Jovem Martemque , per quos jurastis ? At ego in juratus aut victor revertar , aut prope te hic, Q. Fabi, dimicans cadam. » Consul tum Cæso Fabius prioris anni consul, « Verbisne istis, frater , ut pugnent , te impetraturum credis ? Dii impetrabunt, per quos juravere. Et nos , ut decet proceres , ut Fabio nomine est dignum, pugnando potius , quam adhortando, accendamus militum animos. » Sic in primum infestis hastis provocant duo Fabii , totamque moverunt secum aciem.

XLVII. PRÆLIO ex parte una restituto , nihil segnius in altero cornu Cn. Manlius consul pugnam ciebat : ubi prope similis fortuna est versata. Nam ut altero in cornu Q. Fabium , sic in hoc ipsum consulem Manlium , jam velut fusos agentem hostes , &

U. c. 274. in pigre milites secuti sunt; &c., ut ille gravi
a. C. 478. vulnera ictus ex acie cessit, interfectum rati,
Vincuntur gradum retulere. Cessissentque loco, ni con-
Veientes. consul alter, cum aliquot turmis equitum in
 eam partem citato equo adiectus, vivere
 clamitans collegam, se vietorem fuso altero
 cornu adesse, rem inclinatam sustinuerat.
 Manlius quoque ad restituendam aciem se
 ipse coram obfert. Duorum consulum cog-
 nita ora accendent militum animos. Simul &
 vanior jam erat hostium aries, dum, abun-
 dante multitudine freti, subtracta subsidia
 mittunt ad castra obpugnanda. In quæ haud
 magno certamine in petu facto, dum prædæ
 magis, quam pugnæ, memores terunt (*c*)
 tempus; triarii Romani, qui primam inrup-
 tionem sustinere non potuerant, missis ad
 consules nunciis, quo loco res essent, con-
 globati ad prætorium redeunt, & sua sponte
 ipsi prælium (*d*) renovant: & Manlius con-
 sul, reiectus in castra, ad omnes portas
 milite obposito, hostibus viam clauserat. Ea
 desperatio Tusci rabiem magis, quam auda-
 ciā, accedit. Nam quum incurantes, qua-

(c) tererent Gron. Crev.

(d) prælium ipsi Gron. Crev.

cumque exitum ostenderet spes, vano aliquo- *U. c. 274.*
ties in petu issent; globus juvenum unus in *a. C. 478.*
ipsum consulem insignem armis invadit.
Prima excepta a circumstantibus tela: fusti-
neri deinde vis nequit (*e*). Consul mor-
tifero vulnere iactus cadit, fusique circa om-
nes. Tuscis crescit audacia. Romanos terror
per tota castra trepidos agit. Et ad extrema
ventum foret, ni legati, rapto consulis cor-
pore, patefecissent una porta hostibus viam.
Ea erumpunt; confernatoque agmine abeun-
tes in victorem alterum incident consulem.
Ibi iterum caesi fusique passim. Victoria egre-
gia parta, tristis tamen duobus tam claris
funeribus. Itaque consul, decernente senatu
triumphum, « Si exercitus sine imperatore
» triumphare possit, pro eximia eo bello
» opera facile passurum, « respondit: « se,
» familia funesta Q. Fabii fratribus morte, re-
» publica ex parte orba consule altero amissio,
» publico privatoque deformem luctu lauream
» non accepturum. » Omni acto triumpho
depositus triumphus clarior fuit: adeo spreta
in tempore gloria interdum cumulatior redit.
Funera deinde duo deinceps collegae fratribus

(*e*) nequit Gron. Creva

que dicit : idem in utroque laudator , quum ;
concedendo illis suas laudes , ipse maximam
partem earum ferret. Neque inmemor ejus ,
quod initio consulatus inbiberat , reconcili-
andi animos plebis , saucios milites curan-
dos dividit Patribus. Fabiis plurimi dati : nec
alibi majore cura habitu. Inde populares jam
esse Fabii : nec hoc ulla , nisi salubri reipu-
blicæ , arte.

*U. c. 275.
a. C. 477.
K. Fabio
III. T. Vir-
ginio Coss.* XLVIII. IGITUR non Patrum magis , quam
plebis , studiis Cæso Fabius cum T. Virginio
consul factus , neque bella , neque delec-
tus , neque ullam aliam priorem curam age-
re , quam ut , jam aliqua ex parte inchoata
concordiæ spe , primo quoque tempore cum
Patribus coalescerent animi plebis. Itaque
principio anni censuit , priusquam quisquam
agrariæ legis auctor tribunus exsisteret , oc-
cuparent Patres ipsi suum munus facere :
captivum agrum plebi quam maxime æqua-
liter darent. Verum esse , habere eos , quo-
rum sanguine ac sudore partus sit. Adsperti-
nati Patres sunt : questi quoque quidam , ni-
mia gloria luxuriare & evanescere vividum
quondam illud Cæsonis ingenium. Nullæ dein-
de urbanæ factiones fuere. Vexabantur in-

LIBER II CAP. XLVIII 219

cursionibus Æquorum Latini. Eo cum exer- U. c. 275.
 citu Cæso missus , in ipsorum Æquorum a. C. 477.
 agrum depopulandum transit. Æqui se in op-
 pida receperunt , murisque se tenebant : eo
 nulla pugna memorabilis fuit. At a Veiente Dubium
 hoste clades accepta temeritate alterius bellum
 consulis : actumque de exercitu foret , ni Cæso cum
 Fabius in tempore subsidio venisset. Ex eo tem-
 pore neque pax neque bellum cum Veientibus
 fuit ; res proxime formam latrociniī venerat.
 Legionibus Romanis cedebant in urbem : ubi
 abductas senserant legiones , agros incurfabant ;
 bellum quiete , quietem bello in vicem elu-
 dentes. Ita neque omitti tota res , nec (f)
 perfici poterat : & alia bella aut præsentia
 instabant , ut ab Æquis Volscisque , non diu-
 tius , quam recens dolor proximæ cladis
 transiret , quiescentibus : aut mox moturos
 se adparebat Sabinos semper infestos , Etru-
 riāmque omnem. Sed Veiens hostis , assiduus
 magis , quam gravis , contumeliis sæpius ,
 quam periculo , animos agitabat : quod nullo
 tempore negligi poterat , aut averti alio fine-
 bat. Tum Fabia gens senatum adiit (g) : con-

(f) neque Gron. Crev.

(g) adiit Gron. Crev.

U. c. 275. ful pro gente loquitur : « Adsiduo magis;
a. C. 477. » quam magno præsidio, ut scitis, Patres
Fabia gens » conscripti, bellum Veiens eget. Vos alia
Veiens bellum so- » bella curate : Fabios hostes Veientibus date.
la gerit. » Auctores sumus, tutam ibi majestatem Ro-
 » mani nominis fore. Nostrum id nobis velut
 » familiare bellum, privato sumtu gerere in
 » animo est. Respublica & milite illic & pe-
 » cunia vacet. » Gratiæ ingentes aetæ. Con-
 » sul e curia egressus, comitante Fabiorum
 » agmine, qui in vestibulo curiæ, senatuscon-
 » fultum exspectantes, steterant, domum rediit.
 Jussi armati postero die ad limen consulis
 adesse, domos inde discedunt.

XLIX. MANAT tota urbe rumor : Fabios
 ad cœlum laudibus ferunt. Familiam unam
 subisse (*h*) civitatis onus : Veiens bellum in
 privatam curam, in privata arma versum. Si
 fint duæ roboris ejusdem in urbe gentes ;
 depositant, hæc Volscos sibi, illa Æquos :
 populo Romano tranquillam pacem agente,
 omnes finitimos subigi populos posse. Fabii
 postero (*i*) die arma capiunt : quo jussi erant,
 convenient. Consul, paludatus egrediens, in

(*h*) *subiisse* Gron. Crev.

(*i*) *postera* Gron. Crev.

LIBER II CAP. XLIX 221

vestibulo gentem omnem suam instruēto ag- *U. c. 275.*
mine videt. Acceptus in medium , signa ferri *a. C. 477.*
jubet. Numquam exercitus neque minor nu-
mero , nequo clarior fama & admiratione ho-
minum , per urbem incessit. Sex & trecenti
milites , omnes patricii , omnes unius gentis ,
quorum neminem ducem sperneret egregius
quibuslibet temporibus senatus , ibant , unius
familiae viribus Veienti populo pestem mini-
tantes. Sequebatur turba , propria alia cognac-
torum sodaliumque , nihil medium , nec spem ,
nec curam , sed inmensa omnia volventium
animo ; alia publica sollicitudine excitata , fa-
vore & admiratione stupens : « Ire fortes , ire
» felices jubent , incepitis eventus pares redde-
» re : consulatus inde ac triumphos , omnia
» præmia ab se , omnes honores sperare.» Præ-
tereuntibus Capitolium arcemque & alia tem-
pla , quidquid Deorum oculis , quidquid animo
obcurrit , precantur , ut illud agmen faustum
atque felix mittant , sospites brevi in patriam
ad parentes restituant. Incassum missæ preces.
Infelici via dextro Jano portæ Carmentalibus
profecti , ad Cremeram flumen perveniant.
Is opportunus visus locus communiendo præ-
sidio. L. Æmilius inde & C. Servilius con-

U. c. 276. sules facti. Et , donec nihil aliud quam in
a. C. 476. populationibus res fuit , non ad præsidium
L. Æmilio modo tutandum Fabii satis erant ; sed tota
H. C. Servilio Coss. regione , qua Tuscus ager Romano adjacet ,
 sua tuta omnia , infesta hostium , vagantes
 per utrumque finem , fecere. Intervallum
 deinde haud magnum populationibus fuit :
 dum & Veientes , adito ex Etruria exercitu ,
 præsidium Cremeræ obpugnant ; & Romanæ
 legiones , ab L. Æmilio Consule adductæ ,
 cominus cum Etruscis dimicant acie. Quam-
 quam vix dirigendi aciem spatium Veientibus
 fuit : adeo inter primam trepidationem , dum
 post signa ordines introeunt , subsidiaque lo-
 cant , invecta subito ab latere Romana equi-
 tum ala , non pugnæ modo incipiendæ , sed
 consistendi ademit locum. Ita , fusi retro ad
 faxa Rubra , (ibi castra habebant) pacem
 supplices petunt. Cujus inpetratæ , ab insita
 animis levitate , ante deductum Cremera Ro-
 manum præsidium , pœnituit.

*Fabiis
Veientum
victores.*

L. RURSUS cum Fabiis erat Veienti populo ,
 sine ullo majoris belli adparatu , certamen :
 nec erant incursions modo in agros , aut
 subiti inpetus incursantium , sed aliquoties
 æquo campo conlatisque signis certatum :

*U. c. 276.
a. C. 476.*

gensque una populi Romani s^ep^ee ex opulenta
tissima, ut tum res erant, Etrusca civitate
victoriam tulit. Id primo acerbum indignum-
que Veientibus visum. Inde consilium ex re-
natum insidiis ferocem hostem captandi: gau-
dere etiam, multo successu Fabiis audaciam
crescere. Itaque & pecora praeantibus ali-
quoties, velut casu incidissent, obviam acta:
& agrestium fuga vasti relieti agri: & sub-
fidia armatorum, ad arcendas populationes
missa, saepius simulato, quam vero pavore
refugerunt. Jamque Fabii adeo contemperant
hostem, ut sua invicta arma neque loco ne-
que tempore ullo crederent sustineri posse.
Hac spes provexit, ut ad conspecta procul
a Cremera magno campi intervallo pecora
(quamquam rara hostium adparebant arma)
decurrerent. Et quum improvidi effuso cursu
insidias circa ipsum iter locatas superassent,
palatique passim vaga, ut sit pavore injecto,
raperent pecora; subito ex insidiis consurgi-
tur: & adversi & undique hostes erant. *Cest a
Veientibus*

U. c. 276. cogebantur breviore spatio & ipsi orbem
a. C. 476. conligere. Quæ res & paucitatem eorum
 insignem, & multitudinem Etruscorum, multiplicatis in arto ordinibus, faciebat. Tum, omissa pugna, quam in omnes partes parem intenderant, in unum locum se omnes inclinant. Eo nisi corporibus armisque, rupere cuneo viam. Duxit via in editum leniter collēm. Inde primo restitere: mox, ut respirandi superior locus spatium dedit, recipiendique a pavore tanto animum, pepulere etiam subeuntes: vincebatque auxilio loci paucitas, ni jugo circummissus Veiens in verticem collis evasisset. Ita superior rursus hostis factus. Fabii Cæsi ad unum omnes, præsidiumque expugnatum. Trecentos sex perisse satis convenit: unum prope puberem ætate relictum, stirpem genti Fabiæ, dubiisque rebus populi Romani saepè domi bellique vel maximum futurum auxilium.

U. c. 277.

a. C. 475.

*C. Horatius, T.
Menenio
Coff.*

LI. QUUM hæc accepta clades esset, jam C. Horatius & T. Menenius consules erant. Menenius adversus Tuscos victoria elatos confestim missus. Tum quoque male pugnatum est, & Janiculum hostes occupavere: obfessaque urbs foret, super bellum annona

pre-

LIBER II CAP. LI

225

premente, (transfierant enim Etrusci Tiberim)
 ni Horatius consul ex Volscis esset revoca-
 tus: adeoque id bellum ipsis institit mœni-
 bus, ut primo pugnatum ad Spei sit æquo
 Marte, iterum ad portam Collinam. Ibi quam-
 quam parvo momento superior Romana res
 fuit, meliorem tamen militem, recepto pristi-
 no animo, in futura proelia id certamen fe-
 cit. A. Virginius & Sp. Servilius consules
 sunt. Post acceptam proximam pugnæ cladem
 Veientes abstinuere acie. Populationes erant,
 & velut ab arce Janiculi passim in Romanum
 agrum inpetus dabant: non usquam pecora
 tuta, non agrestes erant. Capti deinde ea-
 dem arte sunt, qua ceperant Fabios. Secuti
 dedita opera passim ad inlecebras propulsâ
 pecora, præcipitavere in insidias. Quo plu-
 res erant, major cædes fuit. Ex hac clade
 atrox ira majoris cladis cauſa atque initium
 fuit. Trajecto enim nocte Tiberi, castra Ser-
 vilii consulis adorti sunt obpugnare. Inde
 fusi magna cæde in Janiculum se ægre rece-
 pere (k). Confestim consul & ipse transit
 Tiberim, castra sub Janiculo communit. Po-
 tero die, luce orta, nonnihil & hesternâ

*U. c. 278.
a. C. 474.
A. Virgi-
nio, Sp.
Servilio-
Coff.*

*Veientes
victi.*

(k) receperunt Gron. Crev.

Tom. I,

P

V. c. 278. felicitate pugnae ferox, magis tamen, quod
a. C. 474. inopia frumenti, quamvis in præcipitia, dum
 celeriora essent, agebat consilia, temere ad-
 verso Janiculo ad castra hostium aciem ere-
 xit; fœdusque inde pulsus, quam pridie pe-
 pulerat, interventu collegæ ipse exercitusque
 ejus est servatus. Inter duas acies Etrusci,
 quum in vicem his atque illis terga darent,
 occidione occisi. Ita obpressum temeritate
 felici Veiens bellum.

*Turbæ do-
mesticae.*

LII. URBI cum pace laxior etiam annona
 rediit, & advesto ex Campania frumento,
 &, postquam timor sibi cuique futuræ ino-
 piæ abiit, eo, quod abditum fuerat, prola-
 to. Ex copia deinde otioque lascivire rursus
 animi; & pristina mala, postquam foris dee-
 rant, domi quærere. Tribusq[ue] plebem agitare
 suo veneno, agraria lege : in resistentes in-
 citare Patres, nec in universos modo, sed in
 singulos. Q. Considius & T. Genucius, auc-
 tores agrariae legis, T. Menenio diem dicunt.
 Invidiae erat amissum Cremeræ præsidium,
 quum haud procul inde stativa consul habuif-
 set. Eum obprefferunt (1) : quum & Patres
 haud minus, quam pro Coriolano, adnisi

(1) obpreffere Gron. Crev.

essent, & Patris Agrippæ favor haud dum exolevisset. In multa temperarunt tribuni : quum capit is anquisissent, duo millia æris damnato multam dixerunt (*m*). Ea in caput vertit. Negant tulisse ignominiam ægritudinemque : inde morbo absuntum esse. Alius deinde reus Sp. Servilius, ut consulatu abiit, C. Nautio & P. Valerio consulibus, initio statim anni, ab L. Cædicio & T. Statio tribunis die dicta, non, ut Menenius, precibus suis aut Patrum, sed cum multa fiducia innocentiae gratiaeque, tribunicios impetus tulit. Et huic prælium cum Tuscis ad Janiculum erat criminis. Sed fervidi animi vir, ut in publico periculo ante, sic tum in suo, non tribunos modo, sed plebem, oratione feroci refutando, exprobrandoque T. Menenii damnationem mortemque, (cujus patris munere restituta quondam plebs eos ipsos, quibus tum sœviret, magistratus, eas leges haberet) periculum audacia discussit. Juvit & Virginius collega, testis productus, participando laudes : magis tamen Menenianum (adeo mutaverant animum) profuit judicium.

U. c. 279.

a. C. 473.

C. Nautio,

P. Valerio

Coff.

(*m*) edixerunt Gron. Crev.

U. c. 279. LIII. CERTAMINA domi finita. Veiens bellum exortum; quibus Sabini arma conjunxerant. P. Valerius consul, ad citis Latinorum Hernicorumque auxiliis, cum exercitu Veios missus, castra Sabina, quæ pro mœnibus sociorum locata erant, confestim adgreditur; tantamque trepidationem injecit, ut, dum dispersi alii alia manipulatim excurrunt ad arcendam hostium vim, ea porta, cui signa primum intulerat, caperetur. Intra vallum deinde cædes magis, quam prælium, esse. Tumultus e castris & in urbem penetrat: tamquam Veis captis, ita pavidi Veientes ad arma currunt. Pars Sabinis eunt subsidio; pars Romanos, toto in petu intentos in castra, adoriantur. Paullisper aversi turbatique sunt. Deinde & ipsi utroque versis signis resistunt: & eques, ab consule inmissus, Tuscos fundit fugatque: eademque hora duo exercitus, duæ potentissimæ & maximæ finitimæ gentes superatæ sunt. Dum hæc ad Veios geruntur, Volsci Æquique in Latino agro posuerant castra, populatique fines erant. Eos per se ipsi Latini, adsumtis Hernicis, sine Romano aut duce aut auxilio, castris exuerunt. Ingenti præda, præter suas recuperatas res,

Bellum
 cum
 Volscis
 &
 Æquis.

LIBER II CAP. LIV 229

potiti sunt. Missus tamen ab Roma consul in Volscos C. Nautius. Mos, credo, non placebat, sine Romano duce exercituque socios propriis viribus consiliisque bella gerere. Nullum genus calamitatis contumeliaeque non editum in Volscos est: nec tamen per pelli potuere, ut acie dimicarent.

LIV. L. FURIUS inde & C. Manlius consules. Manlio Veientes provincia evenit. Non tamen bellatum. Induciae in annos quadraginta potentibus datae, frumento stipendiisque imperato. Paci externae confestim continuatur discordia domi. Agrariae legis tribuniciis stimulis plebs furebat. Consules, nihil Menenii damnatione, nihil periculo deterriti Servilii, summa vi resistunt. Abeuntes magistratu Cn. (n) Genucius tribunus plebis adripuit. L. Aemilius & Opiter Virginius consulatum ineunt. Vopiscum Iulium pro Virginio in quibusdam annalibus (o) consulem invenio. Hoc anno (quoscumque consules habuit) rei ad populum Furius & Manlius circumdeunt sordidati non plebem

*U. c. 280.
a. C. 472.*

*L. Furio,
C. Manlio
Coſſ.*

*Rome
diſcordiae.*

*U. c. 281.
a. C. 471.*

*L. Aemil.
III. Opit.
Virginio
Coſſ.
Furius &
Manlius
ad popu-
lum rei.*

(n) Abeuntes magistratu consules Genucius &c. Gron.

(o) in quibusdam pro Virginio annalibus Gron. Crev.

U. c. 281. magis , quam juniores Patrum. Suadent , mo-
a. C. 471. nent , « Honoribus & administratione reipu-
 » blicæ abstineant ; consulares vero fasces ,
 » prætextam , curulemque sellam , nihil aliud ,
 » quam pompam funeris , patent. Claris in-
 » signibus velut infulis velatos ad mortem
 » destinari. Quod si consulatus tanta dulcedo
 » sit , jam nunc ita in animum inducant ,
 » consulatum captum & obpresso ab tribu-
 » nicia potestate esse. Consuli , velut adpari-
 » tori tribunicio , omnia ad nutum imperium-
 » que tribuni agenda esse. Si se commoverit ,
 » si respexerit Patres , si aliud , quam plebem ,
 » esse in republica crediderit ; exsilio C.
 » Marcii , Menenii damnationem & mortem ,
 » sibi proponat ante oculos. » His accensi-
 » vocibus Patres , consilia inde , non publica ,
 » sed in privato , seductaque a plurium conscienc-
 » tia , habere. Ubi quum id modo constaret ,
 » jure an injuria eripiendoS esse reos , atro-
 » cissima quæque maxime placebat sententia :
 » nec auctor quamvis audaci facinori deerat.
 Igitur judicij die , quum plebs in foro ereta
 » exspectatione staret , mirari primo , quod non
 » descenderet tribunus : deinde , quum jam
 » mora suspectior fieret , deterritum a primo-

Tribunus
 occisus.

ribus credere , & desertam ac proditam causam publicam queri. Tandem , qui obversati ^{U. c. 28^a} ^{a. C. 47^a} vestibulo tribuni fuerant , nunciant , domi mortuum esse inventum. Quod ubi in totam concionem pertulit rumor ; sicut acies funditur duce occiso , ita dilapsi passim alii alio. Præcipius pavor tribunos invaserat , quam nihil auxilii sacratae leges haberent , morte collegæ monitos. Nec Patres satis moderate ferre lætitiam : adeoque neminem noxæ pœnitiebat , ut etiam insontes fecisse videri vellent , palamque ferretur , malo domandam tribuniciam potestatem.

LV. SUB hac pessimi exempli victoria de. *Discordia.*
lectus edicitur : paventibusque tribunis , sine intercessione ulla consules rem peragunt. Tum vero irasci plebes , tribunorum magis silentio , quam consulum imperio ; & dicere , « Actum esse de libertate sua : rursus ad antiqua redditum : cum Genucio una mortuam ac sepultam tribuniciam potestatem. Aliud agendum , ac cogitandum , quomodo resistatur Patribus. Id autem unum consilium esse , ut se ipsa plebs , quando aliud nihil auxili habeat , defendat. Quatuor & viginti lictores adparere consulibus , & eos ipsos plebis

V. c. 281. » homines. Nihil contemtius , neque infir-
a. C. 471. » mius , si sint , qui contemnant. Sibi quem-
» que ea magna atque horrenda facere. » His
vocibus alii alios quum incitassent ; ad Vo-
leronem Publilium , de plebe hominem , quia,
quod ordines duxisset , negaret , se militem
fieri debere , lictor missus est a consulibus.
*Voleronis
audacia.* Volero adpellat tribunos. Quum auxilio ne-
mo esset , consules spoliari hominem , &
virgas expediri jubent. « Provo [inquit]
» ad populum , [Volero] quoniam tribuni ci-
» vem Romanum in conspectu suo virgis cædi
» malunt , quam ipsi in lecto suo a vobis tru-
» cidari. » Quo ferocius clamitabat , eo in-
festius circumscindere & spoliare lictor. Tum
Volero , & prævalens ipse , & adjuvantibus
advocatis , repulso lictore , ubi indignantium
pro se acerrimus erat clamor , eo se in tur-
bam confertissimam recipit , clamitans , « Pro-
» voco , & fidem plebis inploro. Adeste ci-
» ves ! adeste commilitones ! nihil est , quod
» exspecteris tribunos , quibus ipsis vestro
» auxilio opus est. » Concitat homines , veluti
ad prælium , se expediunt : adparebatque ,
omne discriminem adesse ; nihil cuiquam fanc-
tum , non publici fore , non privati juris.

Huic tantæ tempestatæ quum se consules ob- *U. c. 281.*
 tulissent, facile experti sunt, parum tutam *a. C. 471.*
 majestatem sine viribus esse. Violatis lictori-
 bus, fascibus fractis, e foro in curiam com-
 pelluntur, incerti, quatenus Volero exerce-
 ret victoriam. Conticescente deinde tumultu,
 quum in senatum vocari jussissent, queruntur
 injurias suas, vim plebis, Voleronis audaciam.
 Multis ferociter dictis sententiis, vicere fe-
 niores, quibus, ira Patrum adversus teme-
 ritatem plebis certari, non placuit.

LVI. VOLERONEM amplexa favore plebs *Fit tribu-*
nus plebis. proximis comitiis tribunum plebi (*p.*) creat
 in eum annum, qui L. Pinarium, P. Furium
 consules habuit: contraque omnium opinio-
 nem, qui eum vexandis prioris anni consu-
 libus permisurum tribunatum credebant, post
 publicam causam privato dolore habitu, ne
 verbo quidem violatis consulibus, rogatio-
 nem tulit ad populum, ut plebeii magistra-
 tus tributis comitiis fierent. Haud parva res,
 sub titulo prima specie minime atroci, fere-
 batur; sed quæ patriciis omnem potestatem per
 clientium suffragia creandi, quos vellent,
 tribunos auferret. Huic actioni, gratissimæ

(*p.*) *plebei* Crev.

*Lex
pubilia.*

*U. c. 282.
a. C. 470.
L. Pinar-
rio, P. Fu-
rio, Coſſ.*

plebi, quum summa vi resistarent Patres; nec, quae una vis ad resistendum erat, ut intercederet aliquis ex collegio, auctoritate aut consulum aut principum adduci posset; res tamen, suo ipsa molimine gravis, certaminibus in annum extrahitur. Plebs Volero-

U. c. 283. nem tribunum reficit. Patres, ad ultimum *a. C. 469.*

Ap. Clau- dimicationis rati rem venturam, Ap. Clau-

dio, T. Appii filium, jam inde a paternis cer-

Quinctio- taminibus invisum infestumque plebi, con-

Cos. sulem faciunt. Collega ei T. Quinctius datur.

Principio statim anni nihil prius, quam de lege, agebatur. Sed ut inventor legis Vole-

Lætorii Tr. ro, sic Lætorius, collega ejus, auctor quum *pl. certa-*

mina cum recentior, tum acrior erat. Ferocem facie-

Appio cos. bat belli gloria ingens; quod ætatis ejus haud

quisquam manu promptior erat. Is, quum

Volero nihil, præterquam de lege, loquere-

tur, infestatione abstinentis consulum, ipse

in accusationem Appii familiaque superbif-

simæ & crudelissimæ in plebem Romanam

exorsus, quum a Patribus non consulem,

sed carnificem ad vexandam & lacerandam

plebem, creatum esse contenderet; rudis in

militari homine lingua non subpetebat liber-

tati animoque. Itaque, deficiente oratione,

« Quandoquidem non (q) facile loquor , *U. c. 283.*
» [inquit] Quirites , quam , quod locutus *a. C. 469.*
» sum , præsto; crastino die adeste. Ego hic
» aut in conspectu vestro moriar , aut perfe-
» ram legem. » Occupant tribuni templum
postero die. Consules nobilitasque ad impe-
diendam legem in concione consistunt. Sub-
moveri Lætorius jubet , præterquam qui
suffragium ineant. Adolescentes nobiles sta-
bant , nihil cedentes viatori. Tum ex his
prehendi quosdam Lætorius jubet. Consul
Appius negare , jus esse tribuno in quem-
quam , nisi in plebeium. Non enim populi ,
sed plebis , eum magistratum esse : nec illum
ipsum submovere pro imperio posse more
majorum ; quia ita dicatur : « Si vobis vide-
» tur , discedite , Quirites. » Facile & con-
temtim de jure differendo perturbare Læto-
rium poterat. Ardens igitur ira tribunus ,
viatorem mittit ad consulem : consul lieto-
rem ad tribunum , privatum esse clamitans ,
sine imperio , sine magistratu ; violatusque
effet tribunus , ni & concio omnis atrox
coorta pro tribuno in consulem effet , &
concurrus hominum in forum ex tota urbe

(1) add. tam Gron. Crev.

V. c. 283. concitatæ multitudinis fieret. Sustinebat ta-
a. C. 469. men Appius pertinacia tantam tempestatem :
certatumque haud incruento prælio foret, ni
Quinctius, consul alter, consularibus nego-
tio dato, ut collegam vi, si aliter non pos-
sent, de foro abducerent, ipse nunc plebem
sævientem precibus lenisset, nunc orasset tri-
bunos, ut concilium dimitterent. « Darent
» iræ spatum. Non vim suam illis tempus
» ademturum ; sed consilium viribus additu-
» rum. Et Patres in populi , & consulem in
» Patrum fore potestate. »

LVII. ÆGRE sedata ab Quinctio plebs ,
multo ægrius consul alter a Patribus. Dimisso
tandem concilio plebis , senatum consules
habent. Ubi quum timor atque ira in vicem
sententias variaffissent ; quo magis , spatio in-
terposito , ab inpetu ad consultandum advo-
cabantur , eo plus abhorrebant a certatione
animi : adeo ut Quinctio gratias agerent ,
quod ejus opera mitigata discordia esset. Ab
Appio petitur, « Ut tantam consularem ma-
jestatem esse vellet, quanta esse in concordi
civitate posset (r). Dum tribuni consules-

(r) *quanta in concordi civitate esse posset Gron. Crev.*

» que ad se quisque omnia trahunt (s), nihil *U. c. 285.*
 » relictum esse virium in medio : distractam *a. C. 469.*
 » lacerata inque rempublicam magis, quorum
 » in manu sit, quam ut in columnis sit, quæri. »
 Appius contra, testari Deos atque homines,
 « rempublicam prodi per metum ac deserit.
 » Non consulem senatui, sed senatum consuli
 » deesse. Graviores accipi leges, quam in
 » sacro monte acceptæ sint. » Vixit tamen
 Patrum consensu quievit : lex silentio per-
 fertur.

LVIII. TUM primum tributis comitiis creati *Tribun*z**
 tribuni sunt: numero etiam addito (t), tres,
 perinde ac duo antea (u) fuerint, Piso auctor
 est. Nominat quoque tribunos, C. Sicium,
 L. Numitorum, M. Duilium, Sp. Iciliū,
 L. Mæciliū. Volscum Æquicunque inten-
 seditionem Romanam est bellum coortum.
 Vaftaverant agros, ut, si qua secessio plebis
 fieret, ad se receptum haberet. Compositis
 deinde rebus, castra retro movere. Ap. Clau-
 dius in Volscos missus. Quintio Æqui pro-
 vincia evenit. Eadem in militia sævitia Appii,

(s) trahant Gron. Crev.

(t) additos Crev.

(u) ante Gron. Crev.

U. c. 283. quæ domi , esse (x) liberior , quod fine
a. C. 469. tribuniciis vinculis erat. Odiſſe plebem plus
 quam paterno odio : se victum ab ea : se
 unico consule obiecto adversus tribuniciam
 potestatem , perlatam legem esse ; quam mi-
 nore conatu , nequaquam tanta Patrum spe ,
 priores inpedierint consules. Hæc ira indig-
 natioque ferocem animum ad vexandum sævo
 īimperio exercitum stimulabat ; nec ulla vi-
 domari poterat : tantum certamen animis inbi-
 berant. Segniter , otiose , neglegenter , con-
 tumaciter omnia agere ; nec pudor , nec me-
 tus coērcebat. Si citius agi vellet agmen ,
 tardius sedulo incedere : si adhortator ope-
 ris adesset , omnes sua sponte motam remit-
 tere industriam. Præsenti vultus demittere ,
 tacite prætereuntem exsecrari : ut invictus
 ille odio plebeio animus interdum movere-
 tur. Omni nequidquam acerbitate prompta ,
 nihil jam cum militibus agere : a centurio-
 nibus corruptum exercitum dicere : tribunos
 plebei cavillans interdum & Volerones vo-
 care.

*Appio
 inforſus
 exercitus
 vinci vult.*

LIX. NIHIL eorum Volsci nesciebant , insta-
 bantque eo magis , sperantes , idem certamen

(x) *effe ; eo liberior* Gron. Crev.

animorum adversus Appium habiturum exer- *U. c. 283.*
citum Romanum, quod adversus Fabium *a. C. 469.*
consulem habuisset. Ceterum multo Appio,
quam Fabio, violentior fuit. Non enim vin-
cere tantum noluit, ut Fabianus exercitus,
sed vinci voluit. Producens in aciem turpi
fuga petit castra; nec ante restitit, quam
signa inferentem Volscum munitis vidit
fœdamque extremi agminis cædem. Tum
expressa vis ad pugnandum, ut viator jam a
vallo submoveretur hostis: satis tamen adpa-
reret, capi tantum castra militem Romanum
noluisse. Alii gaudere sua clade atque igno-
minia. Quibus nihil infraclus ferox Appiū
animus, quem insuper fayire vellet, concio-
nemque advocaret, concurrunt ad eum legati
tribunique, monentes, ne utique experiri
vellet imperium, cuius vis omnis in consensu
obedientium esset. Negare vulgo milites, se
ad concionem ituros; passimque exaudiri
voces postulantium, ut castra ex Volso agro
moveantur. Hostem viatorem paullo ante
prope in portis ac vallo fuisse; ingentisque
mali non suspicionem modo, sed apertam
speciem obversari ante oculos. Viatus tan-
dem, (quandoquidem nihil præter tempus

U. c. 283. noxæ lucrarentur) remissa concione , ite
a. C. 469. in sequentem diem pronunciari quum jussis-
 set, prima luce classico signum profectionis
 dedit. Quum maxime agmen e castris expli-
 caretur, Volsci, ut eodem signo excitati ,
 novissimos adoriantur. A quibus perlatus ad
 primos tumultus, eo pavore signaque & or-
 dines turbavit, ut neque imperia exaudiri ,
 neque instrui acies possent. Nemo ullius, nisi
 fugæ, memor. Ita effuso agmine per stragem
 corporum armorumque evasere , ut prius
 hostis desisteret sequi, quam Romanus fugere.

*In viatos
animad-
vertit Ap-
pius.*

Tandem, conlectis ex dissipato cursu militi-
 bus, consul , quum revocando nequidquam
 suos persecutus esset, in pacato castro po-
 suit : advocataque concione , invectus haud
 falso in proditorem exercitum militaris disci-
 plinæ , desertorem signorum; ubi signa , ubi
 arma essent, singulos rogitans, inermes mi-
 lites , signo amissō signiferos , ad hoc centu-
 riones duplicitariosque, qui reliquerant ordi-
 nes , virgis cæsos securi percussit. Cetera
 multitudo forte decimus quisque ad suppli-
 cium leæti.

*Quintilius
consul vic-
tor.*

LX. CONTRA ea, in Equis inter consulem
 ac militem comitate ac beneficiis certatum
 est.

LIBER II CAP. LXI 241

est. Et natura Quintius erat lenior, & sae- *U. c. 283.*
 vitia infelix collegæ, quo is magis gauderet *a. C. 469.*
 ingenio suo, efficerat. Huic tantæ concordiæ
 ducis exercitusque non ausi obferre se, Æqui
 vagari (*y*) populabundum hostem per agros
 passi. Nec ullo ante bello latius inde actæ
 prædæ: omnis militi data est. Addebatur
 & laudes, quibus, haud minus quam præ-
 mio, gaudent militum animi. Tum duci,
 tum propter ducem Patribus quoque placa-
 tior exercitus rediit; sibi parentem, alteri
 exercitui dominum datum ab senatu, memo-
 rans. Varia fortuna belli, atroci discordia
 domi forisque annum exactum, insignem ma-
 xime comitia tributa efficiunt: res major
 victoria suscepit certaminis, quam usu; plus
 enim dignitatis comitis ipsis detractum est,
 Patribus ex concilio submovendis, quam vi-
 rium aut plebi additum est aut demtum (*z*)
 Patribus.

LXI. TURBULENTIOR inde annus exceptit, *U. c. 284.*
a. C. 468.
 L. Valerio, Tiberio Æmilio consulibus,
 quum (*a*) propter certamina ordinum de lege

(*y*) se Æqui; vagari &c. Gron. Crev.

Coff.

(*z*) additum aut ademtum Gron. Crev.

L. Valerio,

II. Tiberio

Æmilio

(*a*) tum Gron. Crev.

Tom. I.

Q

U. c. 284. agraria , tum propter judicium Ap. Claudi:

a. C. 468.

Accusatur

Appius.

cui , acerrimo adversario legis , caussamque
possessorum publici agri , tamquam tertio con-
suli , sustinenti , M. Duilius & C. Sicinius
diem dixere. Numquam ante tam invisus plebi
reus ad judicium vocatus populi est , plenus
fuarum , plenus paternarum irarum. Patres
quoque non temere pro ullo æque admissi
sunt : propugnatorem senatus , majestatisque
vindicem suæ , ad omnes tribunicios plebeios-
que obpositum tumultus , modum dumtaxat
in certamine egressum , iratae objici plebi (b).
Unus e Patribus , ipse Ap. Claudius , & tri-
bunos , & plebem , & suum judicium pro
nihilo habebat. Illum non minæ plebis , non
senatus preces perpellere umquam potuere ,
non modo ut vestem mutaret , aut supplex
prensaret homines ; sed ne ut ex consuetâ
quidem asperitate orationis , quum ad popu-
lum agenda caussa esset , aliquid leniret atque
submitteret. Idem habitus oris , eadem contu-
macia in vultu , idem in oratione spiritus
erat : adeo ut magna pars plebis Appium
non minus reum timeret , quam consulem
timuerat. Semel caussam dixit , quo semper

(b) *objici iratae plebi Gron. Crev.*

agere omnia solitus erat, accusatorio spiritu: *U. c. 284.*
 adeoque constantia sua & tribunos obstupe- *a. C. 468.*
 fecit & plebem, ut diem ipsi sua voluntate
 prodicerent: trahi deinde rem finerent. Haud
 ita multum interim temporis fuit. Ante ta-
 men, quam prodicta dies veniret, morto
 moritur. Cujus quum laudationem tribuni
 plebis impedire conarentur, plebs fraudari
 sollemini honore supremum diem tanti viri
 noluit: & laudationem tam æquis auribus
 mortui audivit, quam vivi accusationem au-
 dierat: & exsequias frequens celebravit.

*Morbo
moritur.*

LXII. EODEM anno Valerius consul, cum
 exercitu in Æquos profectus, quum hostem
 ad prælium elicere non posset, castra obpug-
 nare est adortus. Prohibuit fœda tempestas,
 cum grandine ac tonitribus cœlo dejæcta. Ad-
 mirationem deinde auxit, signo receptui dato,
 adeo tranquilla serenitas redditâ: ut, velut
 numine aliquo defensa castra obpugnare ite-
 rum, religio fuerit. Omnis ira belli ad popu-
 lationem agri vertit. Alter consul Æmilius
 in Sabinis bellum gessit: & ibi, quia hostis
 mœnibus se tenebat, vastati agri sunt. Incen-
 diis deinde, non villarum modo, sed etiam
 vicorum, quibus frequenter habitabatur, Sa-

*Valerii
Cos. in
Æquos
gesita.*

*Æmilius in
Sabinos.*

bini exciti , quum prædatoribus obcurrif-
sent , ancipiti prælio digressi , postero die
retulere castra in tutiora loca. Id satis con-
fusi visum , cur pro victo relinqueret hostem ,
integro inde decedens bello.

U. c. 285.

a. C. 467.

*T. Numi-
cio , A.
Virginio
Coff.*

*Bellum
cum
Volscis
&
Æquis.*

LXIII. INTER hæc bella , manente discordia
domi , T. Numicius Priscus , A. Virginius
consules facti. Non ultra videbatur latura
plebes dilationem agrariæ legis , ultimaque
vis parabatur , quum , Volscos adesse , sumo
ex incendiis villarum fugaque agrestium cog-
nitum est. Ea res maturam jam seditionem
ac (c) prope erumpentem repressit. Consu-
les , coacti extemplo ab senatu ad bellum ,
educta ex urbe juventute , tranquilliorem
ceteram plebem fecerunt. Et hostes quidem ,
nihil aliud quam perfusis vano timore Roma-
nis , citato agmine abeunt. Numicius Antium
adversus Volscos , Virginius contra Æquos
profectus. Ibi ex insidiis prope magna accepta
clade , virtus militum rem , prolapsam negli-
gentia consulis , restituit. Melius in Volscis
imperatum est. Fusi primo prælio hostes ,
fugaque in urbem Antium , ut tum res erant ,
opulentissimam asti. Quam consul obpugnare

(c) ac del. Gron.

LIBER II CAP. LXIV 245

non ausus, Cenonem, aliud oppidum, nequaquam tam opulentum, ab Antiatibus cepit. Dum Aequi Volscique Romanos exercitus tenent, Sabini usque ad portas urbis populantes incessere. Deinde ipsi paucis post diebus ab duobus exercitibus, utroque per iram consule ingresso in fines, plus cladium, quam intulerant, acceperunt.

LXIV. EXTREMO anno pacis aliquid fuit; sed, ut semper alias, sollicitæ certamine Patrum & plebis. Irata plebs interesse consularibus comitiis noluit. Per Patres clientesque Patrum consules creati T. Quintius, Q. Servilius. Similem annum priori consules habent, seditiosa initia, bello deinde exter-
no tranquilla. Sabini, Crustuminos campos citato agmine transgressi, quum cædes & incendia circum Anenem flumen fecissent, a porta prope Collina mœnibusque pulsi, ingentes tamen prædas hominum pecorumque egere. Quos Servilius consul infesto exer-
citu insecurus, ipsum quidem agmen adipisci æquis locis non potuit: populationem adeo effuse fecit, ut nihil bello intactum relinqueret, multiplicique capta præda rediret. Et in Volscis res publica egregie gesta,

*U. c. 286.
a. C. 466.*

*T. Quinc-
tio II. Q.
Servilio
Coss.*

*Bellum
Sabinum,*

*Bellum
Volscum.*

U. c. 286. quum (*d*) ducis, tum militum opera. Pri-
a. C. 466. mum æquo campo signis conlatis pugnatum,
ingenti cæde utrimque, plurimo sanguine:
& Romani, quia paucitas damno sentiendo
propior erat, gradum retulissent; ni salubri
mendacio consul, fugere hostes ab cornu
altero clamitans, concitasset aciem. Inpetu
facto, dum se putant vincere, vicere. Con-
sul, metuens ne nimis instando renovaret
certamen, signum receptui dedit. Intercessere
pauci dies, velut tacitis induciis utrimque
quiete sumpta: per quos ingens vis homi-
num ex omnibus Volscis Æquisque populis
in castra venit, haud dubitans, si senserint,
Romanos nocte abituros. Itaque tertia fere vi-
gilia ad castra obpugnanda veniunt. Quintius,
sedato tumultu, quem terror subitus excive-
rat, quum manere in tentoriis quietum mili-
tem jussisset, Hernicorum cohortem in statio-
nem educit: cornicines tubicinesque, in
equos (*e*) inpositos, canere ante vallum ju-
bet, sollicitumque hostem ad lucem tenere.
Reliquum noctis adeo tranquilla omnia in
castris fuere, ut somni quoque Romanis co-
pia esset. Volscos species armatorum peditum,

(*d*) *tum* Gron. Crev. (*e*) *equis* Gron.

quos & plures esse, & Romanos putabant, *U. e. 286.*
a. C. 466.
 fremitus hinnitusque equorum, qui, & in-
 sueto sedente equite, & insuper aures agi-
 tante sonitu, saeviebant, intentos velut ad
 impetum hostium tenuit.

LXV. UBI inluxit, Romanus, integer sa-
 tiatusque somno produktus in aciem, fessum
 stando & vigiliis Volscum primo inpetu per-
 culit. Quamquam cessere magis, quam pulsi
 hostes sunt: quia ab tergo erant clivi, in
 quos post principia integris ordinibus tutus
 receptus fuit. Consul, ubi ad iniquum locum
 ventum est, sifit aciem. Miles ægre teneri,
 clamare & poscere, ut percussis instare liceat.
 Ferocius agunt equites: circumfusi duci vo-
 ciferantur (*f*) se ante signa ituros. Dum
 cunctatur consul, virtute militum fretus,
 loco parum fidens; conclamat, se ituros:
 clamoremque res est secuta. Fixis in terram
 pilis, quo leviores ardua evaderent, cursu
 subeunt. Volscus, effusis ad primum inpe-
 tum missilibus telis, saxa objacentia pedibus
 ingerit in subeuntes, turbatosque istibus cre-
 bris urget ex superiore loco. Sic prope one-

(*f*) equites circumfusi duci: vociferantur &c.
 Gron. Crev.

U. c. 286. ratum est sinistrum Romanis cornu, ni reſe-
a. C. 466. rentibus jam gradum consul, increpando si-
mul temeritatem, simul ignaviam, pudore
metum excusſifet. Reſtitere primo obſtinatis
animis: deinde, ut in obtinentes locum vires
ferebant, audent ultro gradum inferre; &,
clamore renovato, commovent aciem. Tum
rurus, in petu capto, enituntur, atque ex-
ſuperant iniuitatem loci. Jam prope erat,
ut in ſumnum clivi jugum evaderent, quum
terga hostes dedere: effusoque curſu pene
agmine uno fugientes ſequentesque caſtris
incidere. In eo pavore caſtra capiuntur. Qui
Vincuntur
Volsci, &
Antium
capitur.
Volſcorum effugere potuerunt, Antium pe-
tunt. Antium & Romanus exercitus ductus:
paucos circumfeſſum dies deditur, nulla ob-
pugnantium nova vi; ſed quod jam inde ab
infelici pugna caſtrisque amiffis ceciderant
animi.